

四庫全書薈要

• 乾隆御覽本

史部

欽定四庫全書薈要

史部

資治通鑑卷二



詳校官編修臣汪鏞

資治通鑑卷一

宋 司馬光 撰

胡三省 音註



紀一

一起著雍攝提格盡玄默因敦凡三十五年
爾雅太歲在甲曰閼逢在乙曰旃蒙在丙曰
柔兆在丁曰彊圉在戊曰著雍在己曰屠維
在庚曰上章在辛曰重光在壬曰玄默在癸
曰昭陽是為歲陽在寅曰攝提格在卯曰單
閼在辰曰執徐在巳曰大荒落在午曰敦牂
在未曰協洽在申曰涒灘在酉曰作噩在戌
曰掩茂在亥曰大淵獻在子曰困敦在丑曰
赤奮若是為歲名周紀分註起著雍攝提格
起戊寅也盡玄默因敦盡壬子也閼讀如字

史記作焉於乾翻著陳如翻雍於容翻默連
職翻單闕上音丹又特連翻下烏葛翻又於
連翻詳作郎翻渚吐蒐翻灘吐丹翻用敦音
頓杜預世族譜曰周黃帝之苗裔姬姓后
稷之後封於邰及夏衰稷子不窋竄於西戎
至十二代孫太王避狄遷岐至孫文王受命
武王克商而有天下自武王至平王凡十三
世自平王至威烈王又十八世自威烈王至
赧王又五世張守節曰因太王居周原國號
曰周地理志云右扶風美陽縣岐山西北中
水鄉周太王所邑括地志云故周城一名美
陽城在雍州武功縣西北二十五里紀理也
統理衆事而繫之年月溫公繫年用春秋之
法因史漢本紀而謂之紀邠湯來翻夏戶雅
翻窋竹律翻
在雍於用翻

威烈王

名午考王之子謹法猛以剛果曰威有功能安民曰烈沈約曰諸侯謹有謹人無謹法

二十三年

上距春秋獲麟七十八年距左傳趙襄子恭智伯事七十一年恭喜也音安其翻

初命晉大夫魏斯趙籍韓虔為諸侯

此溫公書法所由始也魏之先畢公

高後與周同姓其苗裔曰畢萬始封於魏至魏舒始為晉正卿三世至斯趙之先造父後至叔帶始自周適晉至趙夙始封於耿至趙盾始為晉正卿六世至籍韓之先出於周武王至韓武子事晉封於韓原至韓殿為晉正卿六世至虔三家者世為晉大夫於周則陪臣也周室既衰晉主夏盟以尊王室故命之為伯三卿竊晉之權暴蔑其君剖分其國此王法所必誅也威烈王不能誅之又命之為諸侯是崇獎奸名犯分之臣也通鑑始於此其所以謹名分歟

臣光曰臣聞天子之職莫大於禮禮莫大於分分莫

大於名

分扶問
綱下同

何謂禮紀綱是也何謂分君臣是也

何謂名公侯卿大夫是也夫以四海之廣

夫以
音扶

兆民

之衆受制於一人雖有絕倫之力高世之智莫不奔

走而服役者豈非以禮為之紀綱哉是故天子統三

公

統他
綜綱

三公率諸侯諸侯制卿大夫卿大夫治士庶

人

治直
之綱

貴以臨賤賤以承貴上之使下猶心腹之運

手足根本之制支葉下之事上猶手足之衛心腹支

葉之庇本根然後能上下相保而國家治安

治直史細

故

曰天子之職莫大於禮也文王序易以乾坤為首孔子繫之曰天尊地卑乾坤定矣卑高以陳貴賤位矣

繫戶計細

言君臣之位猶天地之不可易也春秋抑諸侯

尊王室王人雖微序於諸侯之上以是見聖人於君

臣之際未嘗不惓惓也

惓達負細漢劉向傳忠臣歎
誠猶不忘君惓惓之義也惓

惓猶言
勤勤也

非有桀紂之暴湯武之仁人歸之天命之君

臣之分當守節伏死而已矣是故以微子而代紂則

成湯配天矣

史記商帝乙生三子長曰微子啓次曰中衍季曰紂紂之母爲后帝乙欲立啓

爲太子太史據法爭之曰有妻之子不可立妾之子乃立紂紂卒以暴虐亡殷國孔玄義曰物之大者莫

若於天推父比天與之相配行孝之大莫大於此所謂嚴父莫大於配天也又孔氏曰禮記稱萬物本乎

天人本乎祖俱爲其本可以相配故王者皆以祖配天謚法除殘去虐曰湯然謚法起於周蓋殷人先有

此號周人遂引以爲謚法分以季札而君吳則太伯扶問綏長知兩翻卒于恤翻

血食矣

吳王壽夢有子四人長曰諸樊次曰餘祭次曰餘昧次曰季札季札賢壽夢欲立之季札

讓不可於是立諸樊諸樊卒以授餘祭欲兄弟以次相傳必致國於季札季札終讓而逃之其後諸樊之子先與餘昧之子僚爭國至於夫差吳遂以亡宗廟之祭用牲故曰血食太伯吳立國之君范甯曰太者

善大之稱伯者長也周太王之元子故曰太伯然二
陸德明曰壽夢其公翻餘祭側介翻餘妹音末

子寧亡國而不為者誠以禮之大節不可亂也故曰

禮莫大於分也夫禮辨貴賤序親疎裁羣物制庶事

非名不著非器不形名以命之器以別之

夫音扶別彼列翻

然後上下粲然有倫此禮之大經也名器既亡則禮

安得獨在哉昔仲叔于奚有功於衛辭邑而請繁纓

孔子以為不如多與之邑惟名與器不可以假人君

之所司也政亡則國家從之

左傳衛孫桓子帥師與齊師戰于新築衛師敗

續新築人仲叔于奚救孫桓子桓子是以免既而衛人賞之邑辭請曲縣繁纓以朝許之孔子聞之曰不如多與之邑惟名與器不可以假人繁纓馬飾也繁馬鬣上飾纓馬膺前飾晉志註曰纓在馬膺如索帶繁音蒲官翻纓伊

盈翻索昔各翻

衛君待孔子而為政孔子欲先正

名以為名不正則民無所措手足

見論語

夫繁纓小物

也而孔子惜之正名細務也而孔子先之

先志為翻

誠以

名器既亂則上下無以相保故也夫事未有不生於

微而成於著聖人之慮遠故能謹其微而治之

治直之翻

同下衆人之識近故必待其著而後救之治其微則用

力寡而功多救其著則竭力而不能及也易曰履霜

堅冰至

坤初六爻辭象曰履霜堅冰陰始凝也馴致其道至堅冰也

書曰一日二

日萬幾

皋陶謨之辭孔安國註曰幾微也言當戒懼萬事之微幾居依翻

謂此類也

故曰分莫大於名也

分扶問翻

嗚呼幽厲失德周道日衰

綱紀散壞下陵上替諸侯專征

謂齊桓公晉文公至悼公以及楚莊王吳

夫差之類

大夫擅政

謂晉六卿魯三家齊田氏之類

禮之大體什喪七八

矣

喪息浪翻

然文武之祀猶綿綿相屬者

屬聯屬也音之欲翻凡聯屬之

屬皆同音蓋以周之子孫尚能守其名分故也何以言之

昔晉文公有大功於王室請隧於襄王襄王不許曰

王章也未有代德而有二王亦叔父之所惡也不然

叔父有地而隧又何請焉文公於是懼而不敢違太叔

帶之難襄王出居于汜晉文公帥師納王殺太叔帶

既定襄王于郊王勞之以地解請隧焉王弗許云云

杜預曰闕地通路曰隧此乃王者葬禮也諸侯皆縣

柩而下王章者章顯王者異於諸侯古者天子謂同

姓諸侯為伯父叔父隧音遂惡烏路翻難乃旦翻是

汜音汎勞力到翻闕其月翻縣音玄柩其久翻

故以周之地則不大於曹滕以周之民則不衆於邾

莒曹滕邾莒春秋時小國莒居許翻然歷數百年宗主天下雖以晉

楚齊秦之彊不敢加者何哉徒以名分尚存故也至

於季氏之於魯田常之於齊白公之於楚智伯之於

晉

魯大夫季氏自季友以來世執魯國之政季平子逐昭公季康子逐哀公然終身北面不敢篡國田

常

即陳恒田氏本陳氏溫公避國諱改恒曰常陳成

子得齊國之政殺闕止弑簡公而亦不敢自立史記

世家以陳敬仲完為田敬仲完陳成子恒為田常故

通鑑因以為據白公勝殺楚令尹子西司馬子期石

乞曰焚庫弒王不然不濟白公曰弒王不祥焚庫無

聚智伯當晉之衰專其國政侵伐鄰國於晉大夫為

最彊攻晉出公出公道死智伯欲

并晉而不救乃奉哀公驕立之其勢皆足以逐君

而自為然而卒不敢者

卒子恤
翻終也

豈其力不足而心不

忍哉乃畏新名犯分而天下共誅之也

新居寒翻亦犯也分扶問

翻今晉大夫暴蔑其君剖分晉國

史記六國年表定王十六年趙魏韓

滅智伯遂三分晉國

天子既不能討又寵秩之使列於諸侯是

區區之名分復不能守而并棄之也

陸德明經典釋文凡復字其義

訓又者並音扶又翻

先王之禮於斯盡矣或者以為當是之時

周室微弱三晉彊盛

三家分晉國時因謂之三晉猶後之三秦三齊也

雖欲

勿許其可得乎是大不然夫三晉雖彊苟不顧天下

之誅而犯義侵禮則不請於天子而自立矣不請於

天子而自立則為悖逆之臣

夫音扶悖蒲內
翻又蒲沒翻

天下苟

有桓文之君必奉禮義而征之今請於天子而天子

許之是受天子之命而為諸侯也誰得而討之故三

晉之列於諸侯非三晉之壞禮乃天子自壞之也

音壞

怪人毀
之也

烏呼君臣之禮既壞矣

此壞其義為成
壞之壞讀如字

則天

下以智力相雄長

長知
兩翻

遂使聖賢之後為諸侯者社

稷無不泯絕

謂齊宋亡於田氏魯陳越亡於楚鄭亡
於韓也泯彌悉翻盡也又彌鄰翻毛晃

日沒也
滅也

生民之類靡滅幾盡

說文曰靡勝也取靡爛
之義音忙皮翻幾居依

翻又渠希
翻近也

豈不哀哉

初智宣子將以瑤為後智果曰不如宵也

韋昭曰智宣子晉卿荀躒

之子申也瑤宣子之子智伯也謚曰襄子智果智氏之族也宵宣子之庶子也按謚法聖善周聞曰宣智氏謚

美瑤之賢於人者五其不逮者一也

韋昭曰不仁也

美鬻長大

則賢

通鑑俗傳寫者多作美鬻非也國語作美鬻今從之

射御足力則賢技藝畢

給則賢巧文辯慧則賢

韋昭曰給足也巧文巧於文辭也伎渠綺翻

彊毅果

敢則賢如是而甚不仁夫以其五賢陵人而以不仁行

之其誰能待之

韋昭曰待猶假也

若果立瑤也智宗必滅弗聽

智果別族於太史為輔氏

此事見國語按左傳哀公二十三年晉荀瑶伐齊始見于

傳哀二十三年史記元王五年也荀驪智文子也定十

四年智文子猶見于傳智宣子之事傳無所考立瑤之

議當在元王五年之前韋昭曰太史掌氏姓周禮春官

之屬小史掌定世繫辨昭穆鄭司農注云史官主書故

韓宣子聘魯觀書于太史世繫謂帝繫世本之屬是也

小史主定之賈公彥疏曰註引太史證之者太史史官

之長共其事故也蓋周之制小史定姓氏其書則太史

掌之智果欲避智氏之禍故於太史別族宋祁國語補

音別彼列趙簡子之子長曰伯魯幼曰無恤趙簡子文

翻又如字趙簡子之子長曰伯魯幼曰無恤趙簡子文

也蓋法一德不懈曰簡白虎通曰子華也華華將置後

無已也趙岐曰子者男子之通稱也長知兩翻

不知所立乃書訓戒之辭於二簡

孔穎達曰書者舒也書緯璇璣鈴云書者

如也則書者寫其言如其意得展舒也世本曰沮誦蒼
頡作書釋文曰書庶也紀庶物也亦言著也著之簡紙
求不滅也以授二子曰謹識之
識職吏三年而問之伯

簡竹策也

魯不能舉其辭求其簡已失之矣問無恤誦其辭甚習

翻記也

三年而問之伯

習熟求其簡出諸袖中而奏之毛見曰奏於是簡子以

也

進上也

於是簡子以

無恤為賢立以為後簡子使尹鐸為晉陽

姓譜尹少昊之子封于尹

城子孫因為氏韋昭曰晉陽趙氏邑為治也班志曰晉
陽故詩唐國周成王滅唐封弟叔虞龍山在西晉水所
出東入汾臣瓚曰所謂唐今河東永安縣是也去晉四
百里括地志曰晉陽故城今名晉城在蒲州虞鄉縣西
今按水經注晉水出晉陽縣西龍山昔智伯遏晉水以
灌晉陽其水分為二流北瀆即智氏故渠也洞過水出

沾縣北山西過榆次縣南又西到晉陽縣南榆次縣南
水側有鑿臺戰國策所謂智伯死於鑿臺之下即此處
也參而考之晉陽故城恐不在蒲州水經注又云叔虞
封於唐縣有晉水故改名為晉子夏序詩此晉也而謂
之唐是也與班志合讀請曰以為繭絲乎抑為保障乎
况及括地志未知何據

簡子曰保障哉

繭絲謂浚民之膏澤如抽繭之緒不盡則不止保障謂厚民之生如築堡以自

障愈培則愈厚宋祁曰障之亮銅又音章

尹鐸損其戶數

韋昭曰損其戶數則民優而稅少簡

子謂無恤曰晉國有難而無以尹鐸為少

而汝也難乃旦銅患也既

也少音多少之少重之為多輕之為少

無以晉陽為遠必以為歸及智宣

子卒

卒子恒銅

智襄子為政

謹法有勞定國曰襄為政為晉國之政

與韓康子

魏桓子宴於藍臺

韓康子韓宣子之曾孫莊子之子虔也魏桓子魏獻子之子曼多之孫駒

也謚法溫柔恭曰康辟土服速曰桓爾雅四方而高曰臺

智伯戲康子而侮段規

姓譜段鄭共叔段之後

智國聞之諫曰主不備難難必至矣

春秋以來

大夫之家臣謂大夫曰主難乃旦翻下同

智伯曰難將由我我不為難誰敢

興之對曰不然夏書有之一人三失怨宜在明不見是

圖

書五子之敗之辭夏戶雅翻見賢遍翻發見也者也形也

夫君子能勤小物故無

大患今主一宴而恥人之君相

夫音扶段規韓康子之相也相息賢翻下同

又弗備曰不敢興難無乃不可乎螭蟻蜂蠆皆能害人

宋祁曰：蝎如蛇翻，又字林：又方翻。秦人謂蚊為蝎，今按：蝎小，蟲日中羣集，人之肌膚而吸其血，蚊之類也。蜂細腰而能螫人，黃亦毒蟲，長尾音丑，蓋翻。况君相乎？弗聽。智伯請地於韓康。

子康子欲弗與，段規曰：「智伯好利而懷不與，將伐我不。」

如與之，彼狃於得地，

好呼到翻，懷弼力翻，狃也。狃，女九翻，驕恣也。又相狎也。

必請

於他人，他人不與，必嚮之以兵。然後我得免於患而待

事之變矣。康子曰：「善。」使使者致萬家之邑於智伯。

毛晃曰：邑。

都邑四井為邑，四邑為丘，邑方二里，丘方四里，載師以公邑之田任甸地，以家邑之田任稍地，註公邑謂六遂餘地，家邑大夫之采地，此又與四井之邑不同。又都國都邑縣也，左傳凡邑有先君宗廟之主曰都，無曰邑。

曰築都曰城此謂大縣邑也杜預引周禮四縣為都四井為邑恐誤四井之邑方二里豈能容宗廟城郭如論語十室之邑西都賦都都相望邑邑相屬則是四縣四井之都邑也若千室之邑萬家之邑則非井邑矣項安世曰小司徒井牧田野以四井為邑凡三十六家除公田四夫凡三十二家遂大夫會為邑者之政以里為邑凡二十五家遂大夫蓋論里井之制二十五家共一里門即六鄉之二十五家為一間也小司徒蓋論溝洫之制四井為邑共用一溝即匠人所謂井間廣四尺深四尺謂之溝也居則度人之衆寡溝則度水之衆寡此其所以異於毛項二說皆明周制參而考之戰國之所謂邑非周制矣致送至也

智伯悅又求地

於魏桓子桓子欲弗與任章曰何故弗與

任章魏桓子之相也姓譜

黃帝二十五子十二人各以德為姓第一曰任氏又任為風姓之國實太昊之後主濟祀今濟州任城即其地

任市林

桓子曰無故索地故弗與任章曰無故索地諸大

夫必懼

索山客翻求也

吾與之地智伯必驕彼驕而輕敵此懼

而相親以相親之兵待輕敵之人智氏之命必不長矣

周書曰將欲敗之必姑輔之將欲取之必姑與之

逸書也敗

補邁

主不如與之以驕智伯然後可以擇交而圖智氏

矣奈何獨以吾為智氏質乎

質貽利翻物相綴當也又質讀如字亦通質謂樞質

也質的也樞質受斧質的受矢言智伯怒魏桓子必加兵於魏如樞質之受斧質的之受矢也

桓子曰

善復與之萬家之邑一

復扶又

智伯又求蔡臯狼之地於

趙襄子

康曰皋姑勞切狼盧當切春秋蔡地後為趙邑余據春秋之時晉楚爭盟晉不能越鄭而服蔡

三家分晉韓得成皋因以并鄭時蔡已為楚所滅鄭之南境亦入于楚就使皋狼為蔡地趙襄子安得而有之漢書地理志西河郡有皋狼縣又有蘭縣漢之西河春秋以來皆為晉境而古文蘭字與蔡字近或者蔡字其蘭字之

襄子弗與智伯怒帥韓魏之甲以攻趙氏

帥讀

說也

襄子將出曰吾何走乎

走則走也趙七喻翻

從者曰長子近

且城厚完

從才用翻長子縣周史辛伯所封邑班志屬上黨郡陸德明曰長子之長丁丈翻顏師古

曰長讀為短長之長今讀為長幼之長非也崔豹古今注曰城成也所以盛受民物也淮南子曰縣作城成時

襄子曰民罷力以完之

罷讀

又斃死以守之其誰與

我韋昭曰謂誰從者曰邯鄲之倉庫實邯鄲即春秋邯

與我同力也

志邯鄲縣屬趙國張晏曰邯鄲山在東城下鄲盡也城

郭從邑故荀加邑宋白曰邯鄲本衛地後屬晉七國時

為趙都趙敬侯自晉陽始都邯鄲余按史記六國年表

周安王之十六年趙敬侯之元年烈王之二年趙成侯

之元年成侯一十二年魏克邯鄲是年顯王之十六年

也二十四年魏歸邯鄲若敬侯已都邯鄲魏克其國都

而趙不亡何也至顯王二十二年公子范襲邯鄲不勝

而死是年肅侯之三年也意此時趙方都邯鄲蓋肅侯

徙都非敬侯也邯音襄子曰浚民之膏澤以實之韋昭

寒音邯音丹康多寒翻襄子曰浚民之膏澤以實之日浚

煎也讀曰醺宋祁曰浚蘇俊翻醺子名翻余又因而殺

謂浚讀當如宋音浚者疏濬也洵也深也

之其誰與我其晉陽乎先主之所屬也古者諸侯之大

夫其家之臣子

皆稱之曰主死則曰先主
考左傳可見已屬陟玉翻

尹鐸之所寬也民必和矣乃

走晉陽三家以國人圍而灌之城不浸者三版

高二尺為一版

三版六尺

沈寔產鼃民無叛意

沈時林翻顏師古漢書音義曰鼃龜也似蝦蟆而長脚其

色青吏游急就章曰蛙蝦蟆陸佃埤雅曰鼃似蝦蟆而長脚瞋目如怒鼃與蛙同音下竭翻

智伯行

水

據經典釋文凡巡行之音下孟翻後倣此

魏桓子御韓康子驂乘

兵車尊者

居左執弓矢御者居中有力者居右持矛以備傾側所謂車右是也韓魏畏智氏之彊一為之御一為之右驂

與參同參者三也三人同車則曰驂乘四人同車則曰駟乘左傳齊伐晉燭庸之越駟乘杜預注曰四人共乘

者殿車乘石證翻

智伯曰吾乃今知水可以亡人國也桓子肘

康子康子履桓子之跗以汾水可以灌安邑絳水可以

灌平陽也

跗音夫足趾也班志汾水出汾陽北山汾陽縣屬太原郡安邑縣屬河東郡史記正義曰

安邑故城在絳州夏縣東北十五里應劭曰絳水出河東絳縣西南平陽縣亦屬河東郡安邑魏絳始居邑平陽韓武子玄孫貞子始居之桓康二子之肘足接蓋各為都邑慮也水經注曰絳水出絳縣西南蓋以故絳為言其水出絳山東西北流而合于澮猶在絳縣界中智伯所謂汾水可以灌安邑或亦有之絳水可以灌平陽未識所由余謂自春秋之季至于元魏歷年滋多郡縣之離合川谷之遷改有不可以一時所睹為據者史記正義曰韓初都平陽今晉州也括地志曰絳水一名白今名沸泉源出絳山飛泉奮湧揚波注縣積壑三十餘大望之極為奇觀可接引北灌平陽城鄴道元父範歷仕三齊少長齊地熟其山川後入關死于道未嘗至河

東也此蓋因耳學而致疑括地志成於唐之魏王泰泰者太宗之愛子羅致天下一時名儒以作此書其考據宜詳當取以為據絺疵謂智伯曰韓魏必反矣智伯曰子何以

知之絺疵曰以人事知之夫從韓魏之兵以攻趙趙亡

難必及韓魏矣

夫音扶難乃旦翻

今約勝趙而三分其地城不

沒者三版人馬相食城降有日而二子無喜志有憂色

是非反而何明日智伯以絺疵之言告二子二子曰此

夫讒人欲為趙氏游說使主疑於二家而懈於攻趙氏

也不然夫二家豈不利朝夕分趙氏之田而欲為危難

不可成之事乎二子出絺疵入曰主何以臣之言告二

子也智伯曰子何以知之對曰臣見其視臣端而趨疾

知臣得其情故也智伯不悛絺疵請使於齊

夫音扶餘並同難乃

旦翻降戶江翻下也服也說翰芮翻懈居隘翻急也危

難如字悛丑緣翻改也止也絺抽遲翻姓也康曰絺當

作郝姓譜諸書未有從絲者疑借字余按姓譜絺姓周

蘇忿生支子封於絺因氏焉為趙之為音于偽翻使疏

吏翻疵請出

趙襄子使張孟談潛出見二子曰臣聞胥

使以避禍也

亡則齒寒今智伯帥韓魏以攻趙趙亡則韓魏為之次

矣帥讀二子曰我心知其然也恐事未遂而謀泄則禍

曰率

立至矣張孟談曰謀出二主之口入臣之耳何傷也二

子乃潛與張孟談約為之期日而遣之

姓譜張氏本自軒轅第五子揮

始造弦寔張網羅世掌其職後因氏馬風俗傳云張王李趙黃帝所賜姓也又晉有解張字張侯自此晉國有張氏唐姓氏譜張氏出自姬姓黃帝子少昊青陽氏第五子揮正始制弓矢子孫賜姓張周宣王卿士張仲其後裔事晉為大夫襄子夜使人殺守隄之吏而決水灌智伯軍

智伯軍救水而亂韓魏翼而擊之襄子將卒犯其前

將即

亮翻又音如字將領也卒臧沒翻說文吏人給事者衣為卒卒衣有題識其字從衣從十

大敗智伯

之衆

以此敗彼曰敗敗北邁翻

遂殺智伯盡滅智氏之族

史記六國年表三晉

滅智氏在周定王十六年上距獲麟二十七
年皇甫謚曰元王十一年癸未三晉滅智伯
唯輔果在
以別
族也

臣光曰智伯之亡也才勝德也夫才與德異而世俗

莫之能辯

扶夫音

通謂之賢此其所以失人也夫聰察

彊毅之謂才正直中和之謂德才者德之資也德者

才之帥也

夫音扶帥所類翻

雲夢之竹天下之勁也

書禹貢雲土夢

作人孔安國注云雲夢之澤在江南左傳楚王以鄭
伯田江南之夢杜預注云楚之雲夢跨江南北班志
雲夢澤在南郡華容縣南祝穆曰據左傳邲夫人弃
子文於夢中言夢而不言雲楚子避吳入于雲中言

雲而不言夢則知雲夢二澤也漢陽志雲在江之北夢在江之南又安陸有雲夢澤枝江有雲夢城蓋古之雲夢澤甚廣而後世悉為邑居聚落故地之以雲夢得名者非一處竹箭之產荆楚為良雲夢楚之地

也夢如字又莫公翻然而不矯揉不羽括則不能以入堅

矯舉天翻

揉如久翻康曰揉曲為矯揉所以撓曲而使之直也羽者箭翎括者箭窟受弦處括音聒通作筈

崇

谿之金天下之利也

左傳楚封吳夫概王於崇谿戰國之時其地屬韓出金甚精利

劉昭郡國志汝南郡吳房縣有崇谿亭杜佑通典曰崇谿在今汝州鄆城縣界九域志蔡州有冶爐城韓

國鑄劍

然而不鎔範不砥礪則不能以擊彊

毛晃曰鎔鎔銷也

鑄也說文鑄器法也董仲舒傳猶金在鎔註鎔謂鑄器之模範範法也式也禮運範金合土砥軫氏翻柔

石也。礪力。是故才德全盡謂之聖人才德兼亡謂之制翻礪也。

愚人德勝才謂之君子才勝德謂之小人凡取人之術苟不得聖人君子而與之與其得小人不若得愚人何則君子挾才以為善小人挾才以為惡挾才以為善者善無不至矣挾才以為惡者惡亦無不至矣

挾機類翻。愚者雖欲為不善智不能周力不能勝譬如乳

狗搏人人得而制之

挾戶類翻。朱元晦曰挾者兼有而恃之之稱。勝音升。乳孺遇翻。

乳育也。乳狗育子。小人智足以遂其奸勇足以決其之狗也。搏伯各翻。

暴是虎而翼者也其為害豈不多哉虎而傳翼其為害也愈甚夫

德者人之所嚴嚴敬也而才者人之所愛愛者易親嚴

者易疎易以疏翻是以察者多蔽於才而遺於德自古昔

以來國之亂臣家之敗子才有餘而德不足以至于

顛覆者多矣豈特智伯哉故為國為家者苟能審於

才德之分而知所先後先悉薦翻後戶適翻又何失人之足患

哉

三家分智氏之田趙襄子漆智伯之頭以為飲器說文秦木

汁可以繫物下從水象黍如水滴而下也漢書張騫傳
匈奴破月氏王以其頭為飲器韋昭註曰飲器柝榼也

晉灼曰飲器虎子屬也或曰飲酒之器也師古曰匈奴

嘗以月氏王頭與漢使飲血盟然則飲酒之器是也韋

云柝榼晉云虎子皆非也柝榼即今之偏榼所以盛酒

耳非用飲者也虎子製器所以洩便者柝音華榼克合

翻氏音支使疏吏翻軟色甲翻威時智伯之臣豫讓欲

征翻襲息列翻洩疏鳩翻便昆連翻

為之報仇豫姓也讓名也戰國之時又有豫且乃詐為

刑人挾匕首入襄子宮中塗廁挾持也劉向曰匕首短

八寸頭類匕故云匕首匕音劍鹽鐵論曰匕首長尺

比廁初吏翻圖也長直亮翻襄子如廁心動索之獲豫

讓索山左右欲殺之襄子曰智伯死無後而此人欲為

讓客翻

報仇真義士也吾謹避之耳乃舍之

舍讀拾

豫讓又漆身

為癩吞炭為啞

癩落蓋翻惡疾也啞倚下翻瘡也

行乞於市

神農日中為市致天

下之民聚天下之貨交易而退此立市之始也鄭氏周禮注曰市雜聚之處

其妻不識也行

見其友其友識之為之泣曰以子之才臣事趙孟必得

近幸

自春秋之時趙宣子謂之宣孟趙文子謂之趙孟其後邴襲而呼為趙孟孟長也

子乃為

所欲為顧不易邪

易以政翻

何乃自苦如此求以報仇不亦

難乎豫讓曰既已委質為臣

經典釋文曰質職日翻委質委其體以事君也後漢

書註委質屈膝

而又求殺之是二心也凡吾所為者極難耳然

所以為此者將以愧天下後世之為人臣懷二心者也

襄子出豫讓伏於橋下襄子至橋馬驚索之得豫讓遂

殺之

自智宣子立瑤至豫讓報仇其事皆在威烈王二十三年之前故先以初字發之溫公之意蓋以天

下莫大於名分觀命三大夫為諸侯之事則知周之所以益微七雄之所以益盛莫重於宗社觀智趙立後之事則知智宣子之所以失趙簡子之所以得君臣之義當守節伏死而已觀豫讓之事則知策名委質者必有實而無貳其為後世之鑑豈不昭昭也哉

襄子為伯魯之不立也有子五人

不肯置後封伯魯之子於代

代國在夏屋句注北趙襄子滅之班志有代郡代縣

為子偽翻

曰代成君早卒

成諡也諡法安民立政曰成

立其子浣為

趙氏後

浣戶管

襄子卒弟桓子逐浣而自立

史記六國表威烈王元年

襄子卒二年趙桓子元年卒明年國人立獻侯浣浣索隱作晚卒子恤翻下同

一年卒趙氏之

人曰桓子立非襄主意乃共殺其子復迎浣而立之是

為獻子

復扶又翻又音如字獻子即獻侯六國表威烈王三年獻侯之元年蓋分晉之後三晉僭侯久

矣謹法知質有聖曰獻

獻子生籍是為烈侯

謹法有功安民曰魏烈侯德尊業曰烈

斯者魏桓子之孫也是為文侯

謹法學勤好問曰文憲惠安民曰文

韓康

子生武子武子生虔是為景侯

謹法克定禍亂曰武布義行剛曰景六國表威

烈王二年魏文侯斯元年十八年韓景侯虔元年蓋其在國僭爵已久不敢以通王室威烈王逮因而命之識

者重為周惜通鑑於
此序三家之世也
魏文侯以卜子夏田子方為師以卜

官為氏田本出於陳陳敬仲以陳為田氏徐廣曰始食
采地由是改姓田氏索隱曰陳田二聲相近遂為田氏

夏戶每過段干木之廬必式
過工禾翻唐人志氏族曰
李耳字伯陽一字聃其後

有李宗魏封於段為干木大夫是以段為氏也余按通
鑑報王四十二年魏有段干子則段干複姓也書武王

式商容問註云式其間巷以禮賢記曲禮國君撫式士
下之註云升車必正立據式小倪崇敬也師古曰式車

前橫木古者立乘凡言式車者謂俛首撫式以禮敬人
孔穎達曰式謂俯下頭也古者車箱長四尺四寸而三

分前一後二橫一木下去車牀三尺三寸謂之為式又
於式上二尺二寸橫一木謂之較較去車牀凡五尺五

寸於時立乘若平常則憑較故詩云倚重較兮是也若
應為較則落隱下式而頭得俯俛故記云式視馬尾是

也較訖
岳翻

四方賢士多歸之文侯與羣臣飲酒樂而天雨

命駕將適野左右曰今日飲酒樂天又雨君將安之文

侯曰吾與虞人期獵雖樂豈可無一會期哉乃往身自

罷之

周禮有山虞澤虞以掌山澤注云虞度也度知山林之大小及其所生身自罷之者身往告之以雨

而罷獵也

韓偕師於魏以伐趙文侯曰寡人與趙兄弟

也不敢聞命趙偕師於魏以伐韓文侯應之亦然二國

皆怒而去已而知文侯以講於已也

講和也

皆朝于魏

朝直

通魏於是始大於三晉諸侯莫能與之爭使樂羊伐中

山克之

樂姓也本自有殷微子之後宋戴公四世孫樂呂為大司寇中山春秋之鮮虞也漢為中山郡

宋白曰唐定州春秋白狄鮮虞之地隋圖經曰中山城在今唐昌縣東北三十一里中山故城是也杜佑曰城

中有山故曰中山

以封其子擊文侯問於羣臣曰我何如主皆

曰仁君任座曰君得中山不以封君之弟而以封君之

子何謂仁君文侯怒任座趨出

任座亦習見當時鄰國之事而為是言耳任音

壬座一作座音才戈翻

次問翟璜

翟姓也音直格翻又音狄姓譜翟為晉所滅子孫以國為氏今

人多讀從上音璜戶光翻

對曰仁君文侯曰何以知之對曰臣聞君

仁則臣直嚮者任座之言直臣是以知之文侯悅使翟

璜召任座而反之親下堂迎之以爲上客文侯與田子

方飲文侯曰鐘聲不比乎

此音毗不比言不和也

左高

此蓋編鐘之懸左高

故其聲不和

田子方笑文侯曰何笑子方曰臣聞之君明樂

官不明樂音今君審於音臣恐其聳於官也

明樂官知其才不才

明樂音知其和不和五聲合和然後成音詩大序曰聲成文謂之音

文侯曰善子擊出遭

田子方於道下車伏謁

古文考曰黃帝作車引重致遠少昊氏加牛禹時奚仲加馬釋

名曰車居也韋昭曰古唯尺遮翻自漢以來始有居音蕭子顯曰三皇氏乘祗車出谷口車之始也祗翹移翻

子方不爲禮子擊怒謂子方曰富貴者驕人乎貧賤者

驕人乎子方曰亦貧賤者驕人耳富貴者安敢驕人國
君而驕人則失其國大夫而驕人則失其家失其國者
未聞有以國待之者也失其家者未聞有以家待之者
也夫士貧賤者言不用行不合則納履而去耳安往而
不得貧賤哉子擊乃謝之

夫音扶行
下孟翻

文侯謂李克曰先

生嘗有言曰家貧思良妻國亂思良相今所置非成則

璜二子何如

李氏出自
命族為理氏
頡頏曾孫
陶為堯大
理以官

子得全改為
李氏置言
置相也相
息亮翻難
乃旦翻

對曰卑不謀尊疏不謀戚臣

在闕門之外不敢當命

在闕門之外謂疏遠也

文侯曰先生臨事

勿讓克曰君弗察故也居視其所親富視其所與達視

其所舉窮視其所不為貧視其所不取五者足以定之

矣何待克哉文侯曰先生就舍吾之相定矣

相息亮翻

李克

出見翟璜翟璜曰今者聞君召先生而卜相果誰為之

克曰魏成翟璜忿然作色曰西河守吳起臣所進也

班志

魏地其界自高陵以東盡河東河內高陵縣漢屬馮翊其地在河西所謂西河之外者也魏初使吳起守之秦兵不敢東向至惠王時秦使衛鞅擊虜其將公子卬遂獻西河之外於秦吳以國為姓相息亮翻守式又翻

君內以鄴為憂臣進西門豹

班志鄴縣屬魏郡西門豹為鄴令鑿渠以利民王符

潛夫論姓氏篇曰如有東門西郭南宮北郭皆因居以為姓西門蓋亦此類鄴魚怯翻

君欲伐中

山臣進樂羊中山已拔無使守之臣進先生君之子無

傳臣進屈侯鮒

傳者傳之以德義因以為官名傳芳遇翻屈九勿翻姓也余按屈晉地時屬魏

鮒蓋魏封屈侯也鮒音符遇翻

以耳目之所睹記臣何負於魏成

不勝為負

李克曰子言克於子之君者豈將比周以求大官哉

此

至翻阿黨為比

君問相於克克之對如是

李克自叙其答魏文侯之言也

所以

知君之必相魏成者魏成食祿千鍾

孔頴達曰祿者殺也故鄭注司錄云

祿也言穀年穀豐然後制祿援神契云祿者錄也白虎通曰上以收錄接下下以名錄謹以事上是也六斛四斗為一鍾什九在外什一在內是以東得卜子夏田子方段

干木

夏戶雅翻

此三人者君皆師之子所進五人者君皆臣

之子惡得與魏成比也

惡讀曰烏何也

翟璜逡巡再拜曰璜鄙

人也失對願卒為弟子

逡七倫翻逡巡却退貌卒子恤

細終也孔穎達曰先生師也謂

師為先生者言彼先已而生其德多厚也自稱為弟子者言已自處如弟子則尊其師如父兄也

吳起

者衛人仕於魯齊人伐魯魯人欲以為將起取齊女為

妻

將即亮翻下同取讀曰娶孔穎達曰妻之為言齊也以禮見問得與夫敵體也

魯人疑之起

殺妻以求將大破齊師或譖之魯侯曰起始事曾參

世本

曰曾姓出自鄆國陸德明曰參所全翻一音七南翻

母死不奔喪曾參絕之今又

殺妻以求為君將起殘忍薄行人也

孟行下翻

且以魯國區

區而有勝敵之名則諸侯圖魯矣起恐得罪聞魏文侯

賢乃往歸之文侯問諸李克李克曰起貪而好色

好呼倒翻

然用兵司馬穰苴弗能過也

司馬官名穰苴本齊田姓仕齊為是官故以稱之齊

景公之賢將也穰如羊翻苴子余翻

於是文侯以為將擊秦拔五城起之

為將與士卒最下者同衣食臥不設席行不騎乘

騎馬為騎

乘車為乘言起與士卒同其勞苦行不用車馬也

親裹贏糧

師古曰贏擔也此言起親裹士卒所

齊擔之糧

與士卒分勞苦卒有病疽者起為吮之

疽七余翻

癰也吮徐克翻說文嗽也康所角翻

卒母聞而哭之人曰子卒也而將軍

自吮其疽何哭為母曰非然也往年吳公吮其父疽其

父戰不旋踵遂死于敵吳公今又吮其子妾不知其死

所矣是以哭之

燕潞公薨子僖公立

燕自召公奭受封於北燕其地

則唐幽州薊縣故城是也自召公至潞公三十二世燕因肩翻潞讀與閔同謹法使民悲傷曰閔小心畏忌曰僖

二十四年王崩子安王驕立 盜殺楚聲王國人立其

子悼王

周成王封熊繹於楚姓羊氏居丹陽今枝江縣故丹陽城是也括地志曰歸州秭歸縣丹陽城

熊繹之始國其後疆大北封畛於汝南并吳越地方五千里自熊繹至聲王三十世索隱曰聲王名當悼王名疑謚法不生其國曰聲注云生於外家年中早夭曰悼注云年不稱志又云恐懼從處曰悼注云從處言險地也

安王

謚法好和不爭曰安

元年秦伐魏至陽狐

周孝王邑非子於秦徐廣曰今隴西縣秦亭是也括地志曰秦州清

水縣本名秦十三州志曰秦亭秦谷是也至襄公取周地穆公霸西戎日以疆大是年秦簡公之十四年也自

非子至簡公二十八世陽孤史記作陽孤正義引括地志曰陽孤郭在魏州元城縣東北三十里余按此時西河之外皆為魏境若秦兵至元城則是越魏都安邑而東矣水經注河東垣縣有陽壺城九域志絳州有陽壺城姑識之以廣異聞且俟知者

二年魏韓趙伐楚至桑丘

水經注潞水自葛陂東南逕新蔡縣故城東而東南流注

於汝水又東南逕下桑丘左逕為橫塘陂史記作桑丘正義地理志桑丘故城在兗州瑕丘縣西北三十五里

當從

鄭園韓陽翟

周宣王封其弟友于鄭杜預世族譜曰封於成林今京兆鄭邑是也

幽王無道友徙其人於號鄆之間遂有其地今河南新

鄭是也友謚桓公是年鄭繻公駘之二十三年自桓公

至繻公二十二世班志陽翟縣屬潁川郡索隱曰

翟音狄溫公類篇音莢伯繻繻詢趨繻駘堂來翻

韓

景侯薨子烈侯取立 趙烈侯薨國人立其弟武侯

秦簡公薨子惠公立

謚法愛民好與曰惠

三年王子定奔晉

號山崩壅河

徐廣曰號山在陝襄駟曰弘農陝縣故號

國北號在大陽東號在滎陽括地志曰號山在陝州陝縣西臨黃河今臨河有岡阜似是頽山之餘水經注曰陝西臨黃河今臨河有岡阜似是頽山之餘水經注曰陝西臨黃河今臨河有岡阜似是頽山之餘水經注曰

魏文侯時號山崩壅河所致耳陝失再翻

四年楚圍鄭鄭人殺其相駟子陽

鄭穆公之子駟字子駟古者以王父之字

為氏子陽其後也相息亮翻駟芳菲翻

五年日有食之

杜預曰日行遲一歲凡十二交會然日月行速一

物雖行度有大量不能不小有贏縮故有雖交會而不
食者或有頻交而食者孔穎達曰日月交會謂朔也周
天三百六十五度四分度之一日月皆右行於天一晝
一夜日行一度月行十三度十九分度之七二十九日
日有餘而月行天一周追及於日而與之會交會而日
月同道則食月或在一道表或在日道裏則不食矣又
歷家為交食之法大率以一百七十有三日有奇為限
然月先在裏則依限而食者多若月在表則依限而食
者少杜預見其參差乃云雖行度有大量不能不小有
贏縮故有雖交會而不食者或有頻交而食者此得之
矣蘇氏曰交當朔則日食然亦有交而不食者交而食
陽微而陰乘之也交而不食陽盛而陰不能揜也朱元
晦曰此則繫乎人事之感蓋臣子背君父妾婦乘其夫
小人陵君子四裔侵中國所感如是則陰盛陽微而日

為之食矣是以聖人於春秋每食必書而詩人亦以為醜也今此書年而不書月與晦朔史失之也釋名曰日

食月虧曰食稍小侵虧如蝨
草木之葉也亦作虧蝕

三月盜殺韓相俠累俠累

與濮陽嚴仲子有惡仲子聞軹人聶政之勇以黃金百

溢為政母壽欲因以報仇

相息亮翻俠戶頰翻累力追
翻漢陽春秋之帝丘漢為漢

陽縣屬東郡應劭曰濮水南入鉅野水北為陽濮博木翻惡如字不善也康烏故翻非軹春秋原邑晉文公所

國者漢為軹縣屬河內郡音只姓譜曰楚大夫食采
於聶因以為氏聶尼輒翻溢夷質翻二十四兩為溢政

不受曰老母在政身未敢以許人也及母卒仲子乃使

政刺俠累

亦卒
翻子
又恆
如翻
字刺
七

俠累方坐府上兵衛甚衆鼻

政直入上階

上時掌翻

刺殺俠累因自皮面決眼自屠出腸

韓人暴其尸於市

暴步木翻又如字

購問莫能識其姊嫫聞而

往哭之曰是軹深井里聶政也

史記正義曰深井里在懷州濟源縣南三十里

以妾尚在之故重自刑以絕從妾奈何畏殛身之誅終

滅賢弟之名遂死於政尸之旁

皮面以刀髡面而去其皮懸賞以募告者曰購

購古候翻嫫烏莖翻絕從之從讀曰蹤猶自絕其蹤跡又或曰從讀如字謂絕其從坐之罪也

六年鄭駟子陽之黨弑繻公

繻者謚法所不載史記注繻或作繻繻詢趙翻

而

立其弟乙

白虎通曰弟悌也心順行篤也行下孟翻

是為康公

宋悼公薨

子休公田立

武王封微子啓於宋唐宋州之睢陽縣是也自微子二十七世至悼公名購由休亦

謚法所不載

八年齊伐魯取最

武王封太公於齊唐青州之臨淄是也括地志曰天齊水在臨淄東南十

五里封禪書曰齊之所以為齊者以天齊是年康公賁之十一年自太公至康公二十九世成王封伯禽於魯

唐兗州之曲阜是也是年穆公之十六年自伯禽至穆公凡二十八世

鄭負黍叛復歸

韓據史記繆公之十六年敗韓於負黍蓋以此時取之而今復叛歸韓也劉昭郡國志潁川郡陽城縣有負

黍聚古今地名云云負黍山在陽城縣西南二十七里或云在西南三十五里

九年魏伐鄭

晉烈公薨子孝公傾立

周成王封弟叔虞於唐括地志

曰故唐城在并州晉陽縣北二里堯所築也都城記曰唐叔虞之子燮父徙居晉水旁今并州理故唐城即燮父初徙之處其城南半入州城中毛詩譜曰燮父以堯墟南有晉水改曰晉侯自唐叔至烈公三十七世烈公名止謚法慈惠愛親曰孝

十一年秦伐韓宜陽取六邑

班志宜陽縣屬弘農郡史記正義曰宜陽縣故城在

河南府福昌縣東十四里故韓城是也此邑即周禮四井為邑之邑

初田常生襄子盤

盤生莊子白白生太公和

此序齊田氏之世也田常即左傳陳成子恒也溫公避宋

仁廟諱政恒曰常自陳公子完奔齊是歲齊田和遷齊五世至常得政謚法勝敵志強曰莊

康公於海上使食一城以奉其先祀

十二年秦晉戰于武城

此非魯之武城左傳晉陰飴甥會秦伯盟于王城杜預曰馮翊

臨晉縣東有王城今名武鄉括地志故武城一名武平城在華州鄭縣東北十三里

齊伐魏取

襄陽

陽當作陵徐廣曰今之南平陽也余據晉志南平陽縣屬山陽郡班志陳留郡有襄邑縣師古曰國

稱云襄邑宋地本承匡襄陵鄉也宋襄公所葬故曰襄陵秦始皇以承匡卑濕徙縣襄陵因曰襄邑

魯

敗齊師于平陸

班志東平國有東平陸縣戰國時之平陸也史記正義曰平陸兗州縣即古厥

國宋白曰鄆州中都縣漢為平陸縣史記魯敗齊師于平陸是也敗補邁翻

十三年秦侵晉 齊田和會魏文侯楚人衛人于濁澤

康曰濁水名漢志濁水出齊郡廣縣為山余謂康說誤矣徐廣史記注曰長社有濁澤水經注曰皇陂水出胡

城西北胡城潁陰之孤人亭也皇陂古長社之濁澤也
記諸侯相見於郤地曰會孔穎達曰諸侯未及期而相
見曰遇會者謂及期之禮
求為諸侯魏文侯為之請於
既及期又至所期之地

王及諸侯王許之

為之偽翻

十五年秦伐蜀取南鄭

譜記普云蜀之先肇自人皇之際黃帝子昌意娶蜀山氏女生

帝倍既立封其支庶于蜀歷虞夏商周周褒先稱王者
蠶叢余據武王伐紂庸蜀諸國皆會于牧野孔安國曰
蜀叟也春秋之時不與中國通班志南鄭縣屬
漢中郡唐為梁州治所倍通作譽音括沃翻

侯薨太子擊立

王者以嫡長子為太子謂之國儲副君諸侯曰世子周褒率上僭孔穎達曰太

者大中之大也上時掌翻長知兩翻

是為武侯武侯浮西河而下

西河即禹貢之

龍門西河中流顧謂吳起曰美哉山河之固此魏國之寶也

對曰在德不在險昔三苗氏左洞庭右彭蠡德義不修

禹滅之

武陵長沙零桂之水匯為洞庭周七百里彭蠡澤在漢豫章郡彭澤縣西書有苗弗率汝徂征

三苗所居蓋今江南西道之地蠡里第翻夏桀之居左河濟右泰華伊闕在

其南羊腸在其北修政不仁湯放之

濟水出河東垣縣王屋山南流貫河

而南合于滎潰禹貢所謂導沆水東流為濟溢為滎者也自漢築滎陽石門而濟與河合流而注于海不入滎潰禹貢所謂導沆水東流為濟入于河桀都安邑蓋恃以為險泰華山在京兆華陰縣南水經伊水出南陽縣西荀渠山東北流至河南新城縣又東南過伊闕中大禹所鑿也兩山相對望之若闕左傳女寬守闕塞即其

地指地志伊闕山在洛州南十九里班志上黨壺關縣有羊腸阪此安邑四履所憑山河之固也書曰成湯放桀于南巢濟子商紂之國左孟門右太行常山在其北禮翻華戶化翻

大河經其南修政不德武王殺之

水經注孟門在河東北屈縣西即龍門上

口也淮南子曰龍門未闢呂梁未鑿河出孟門之上溢而逆流無有邱陵名曰洪水太行山在河內野王縣西北常山在常山郡上曲陽縣西北河水自孟門南抵華陰屈而東流紂都朝歌河經其南北屈之孟門在朝歌西北恐不可言左索隱曰孟門別一山在朝歌東此特左右二字之差而誤耳春秋說題解河之為言荷也荷精分布懷陰引度也釋名河下也隨地下處而通流也書曰武王勝殷殺紂太行之行戶剛翻北屈陸求忽翻

顏居由此觀之在德不在險若君不修德舟中之人皆勿翻

敵國也武侯曰善魏置相相田文

相息亮翻此田文非齊之田文

吳起

不悅謂田文曰請與子論功可乎田文曰可起曰將三

軍使士卒樂死敵國不敢謀子孰與起文曰不如子

將即

亮翻樂音洛

起曰治百官親萬民實府庫子孰與起文曰不

如子

治立之翻

起曰守西河秦兵不敢東鄉韓趙賓從子孰

與起文曰不如子

鄉讀日向賓從猶言賓服也

起曰此三者子皆出

吾下而位居吾上何也文曰主少國疑大臣未附百姓

不信方是之時屬之子乎屬之我乎

少詩照翻屬子欲翻

起默然

良久曰屬之子矣久之魏相公叔尚主而害吳起

如淳曰天

子嫁女於諸侯必使諸侯同姓者主之故謂之公主帝
姊妹曰長公主諸王女曰翁主師古曰如說得之天子
不親主婚故謂之公主諸王則自主婚故其女曰翁主
翁者父也言父主其婚也亦曰王主言王自主其婚也
揚雄方言云周晉秦隴謂父曰翁而臣瓚王楙或云公
者比於上爵或云主者婦人尊稱皆失之劉貢父曰予
謂公主之稱本出秦舊男為公子女為公主古者大夫
妻稱主故以公配之若謂同姓主之故謂之公主則周
之事素不知用也古之嫁女禮當如周使大夫主之何
不謂之夫主乎然則謂之王主者猶言王子也謂之公
主者緣公而生耳毛晃曰尚崇也高也貴也飾也加也
尊也娶公主謂之尚言帝王之女尊而尚之不敢言娶
也相息

公叔之僕曰起易去也起為人剛勁自喜

易以

亮翻

去起呂翻師古
曰喜許吏翻

子先言於君曰吳起賢人也而君之國

小臣恐起之無留心也君盍試延以女起無留心則必

辭矣子因與起歸而使公主辱子起見公主之賤子也

必辭則子之計中矣

中竹仲翻

公叔從之吳起果辭公主魏

武侯疑之而未信起懼誅遂奔楚楚悼王素聞其賢至

則任之為相起明灋審令

相息亮翻灋古法字

捐不急之官廢公

族疏遠者以撫養戰鬪之士要在彊兵破遊說之言從

橫者

捐余專翻奔也除去也漢書音義曰以利合曰從以威力相脅曰橫或曰南北曰從從者連南北為

一西鄉以擯秦東西曰橫橫者離山東之交使之於是
西鄉以事秦說式為翻從即容翻橫亦作衡音同

南平百越

章昭曰越有百邑

北却三晉西伐秦諸侯皆患楚之

彊而楚之貴戚大臣多怨吳起者 秦惠公薨子出公

立出非謚也以其失國出死故曰出公 趙武侯薨國人復立烈侯之太

子章是為敬侯

謚法風夜警戒曰敬

韓烈侯薨子文侯立

十六年初命齊大夫田和為諸侯

田氏自此遂有齊國田和是為太公

趙公子朝作亂奔魏與魏襲邯鄲不克

邯音寒鄲音丹

十七年秦庶長改逆獻公于河西而立之殺出子及其

母沈之淵旁

後秦制爵一級曰公士二上造三簪褭四

九五大夫十左庶長十一右庶長十二左更十三中更十四右更十五少上造十六大上造十七駟車庶長十八

大庶長十九關內侯二十徹侯師古曰庶長言衆列

之長註又詳見下卷顯王十年前據史記威烈王十一

年秦靈公卒子獻公師隰不得立立靈公季父悼子是

為簡公出子簡公之孫也今庶長改迎獻公而殺出子

正義曰西者秦州西縣秦之舊地時獻公在西縣故迎

立之余謂此言河西非西縣也靈公之卒獻公不得立

出居河西河西者黃河之西蓋漢涼州之地秦

當作襲乃了翻更工衡翻乘繩證翻長知丈翻

魯

韓伐鄭取陽城

漢陽城縣屬潁川郡是為地

中成周於此以土圭測日景

伐宋

執宋公齊太公薨子桓公午立

十九年魏敗趙師于兔臺

史記趙世家曰魏敗我兔臺築剛平正義曰兔臺剛平並

在河北敗

補邁翻

二十年日有食之既

既盡也

二十一年楚悼王薨貴戚大臣作亂攻吳起起走之王

尸而伏之

之往也往赴王尸而伏其側

擊起之徒因射刺起并中王

尸

射而亦翻刺七亦翻中竹仲翻

既葬肅王即位

謚法剛德克就曰肅執心決斷曰肅

使

令尹盡誅為亂者

令尹楚相也

坐起夷宗者七十餘家

夷殺也夷

宗者殺其同宗也

二十二年齊伐燕取桑丘魏韓趙伐齊至桑丘

此桑丘非二年

所書楚之桑丘括地志曰桑丘故城俗名敬城在易州遂城縣蓋燕之南界也

二十三年趙襲衛不克

成王封康叔於衛居河淇之間故殷墟也至懿公為狄所滅東

徙度河文公徙居楚丘遂國於濮陽是年慎公頽之三十五年自康叔至慎公凡三十二世

齊康

公薨無子田氏遂并齊而有之

姜氏至此滅矣

是歲齊桓公亦

薨子威王因齊立

謚法強毅執正曰威執渠留翻齊桓公田午執謀也

二十四年狄敗魏師于澮

漢之中山上黨西河上郡自春秋以來狄皆居之此亦其

種也水經澮水出河東絳縣東澮山西北過絳縣南又西南過虎祁宮南又西南至王橋入汾水括地志澮山在

絳州翼城縣東北
補邁翻澮古外翻

魏韓趙伐齊至靈丘

史記正義曰靈丘河

東蔚州縣余按蔚州之靈丘即漢代郡之靈丘此時齊境安能至代北邪此即孟子謂軻臯解靈丘請士師之地班志曰齊地北有千乘清河以南漢清河郡有靈縣清河北接趙魏之境此為近之軻音遲臯烏花翻

晉孝公薨子靖公俱酒立

謚法柔衆安民曰靖又恭已鮮言曰靖

二十五年蜀伐楚取茲方

據史記蜀伐楚取茲方楚為扞闕以拒之則茲方之地在

扞闕之西劉昭志巴郡魚復縣有扞闕

子思言苟變於衛侯曰其才可

將五百乘

古者兵車一乘甲士三人步卒七十二人五百乘三萬七千五百人國語曰苟本自黃帝

之子將即亮翻公曰吾知其可將然變也嘗為史睦於下同乘繩證翻

民而食人二鷄子故弗用也子思曰夫聖人之官人猶

匠之用木也

扶夫音

取其所長棄其所短故杞梓連抱而

有數尺之朽良工不棄今君處戰國之世

處昌呂翻

選爪牙

之士而以二卵棄干城之將

詩赴赴武夫公侯干城毛氏傳曰干扞也音戶旦翻

鄭氏箋曰干也城也皆所以禦難也干讀如字

此不可使聞於鄰國也公再拜

曰謹受教矣衛侯言計非是而羣臣和者如出一口

和戶

臥翻子思曰以吾觀衛所謂君不君臣不臣者也

君不君臣不臣

論語載齊景公之言

公丘懿子曰何乃若是

公丘複姓謚法溫柔賢善曰懿

子思

曰人主自臧則衆謀不進

也臧善事是而臧之猶却衆謀

況和非以長惡乎

和戶臥翻長知大翻

夫不察事之是非而悅人

讚已闇莫甚焉不度理之所在而阿諛求容諂莫甚焉

度徒洛翻

君闇臣諂以居百姓之上民不與也若此不已國

無類矣子思言於衛侯曰君之國事將日非矣公曰何

故對曰有由然焉君出言自以為是而卿大夫莫敢矯

其非卿大夫出言亦自以為是而士庶人莫敢矯其非

君臣既自賢矣

白虎通曰君羣也羣下之所歸心也臣堅也屬志自堅也

而羣下同

聲賢之賢之則順而有福矯之則逆而有禍如此則善

安從生詩曰具曰予聖誰知烏之雌雄

詩正月之辭毛氏傳曰君臣俱

自謂聖也鄭氏箋曰時君臣賢愚適同如烏之雌雄相
似誰能別異之乎又曰烏之雌雄不可別者以翼右掩
左雄左掩右雌陰陽相下之義也抑亦似君之君臣乎 魯穆公薨子

共公奮立

謚法布德就義曰穆中情見貌曰穆尊賢敬
讓曰共既過能改曰共執事堅固曰共共讀

曰恭 考異曰司馬遷史記六國表周威烈王十九年

甲戌魯穆公元年烈王元年丙午共公元年顯王十七

年己巳康公元年二十六年戊寅景公元年赧王元年

丁未平公元年二十年丙寅文公元年四十二年己丑

頃公元年五十九年乙巳周亡秦莊襄元年壬子楚滅

魯按魯世家穆公三十三年卒若元甲戌終乙巳則是

三十二年也共公二十二年卒若元丙午終戊辰則是
二十三年也康公九年卒景公二十五年卒平公二十
二年卒若元丁未終乙丑則是十九年也文公二十三
年卒頃公二十四年楚滅魯班固漢書律歷志文公作
繆公其在位之年與世家異者惟平公二十年耳本志
自魯僖公五年正月辛亥朔旦冬至推之至成公十二
年正月庚寅朔旦冬至定公七年正月己巳朔旦冬至
元公四年正月戊申朔旦冬至康公四年正月丁亥朔
旦冬至繆公二十二年正月丙寅朔旦冬至漢高祖八
年十一月乙巳朔旦冬至武帝元朔六年十一月甲申
朔旦冬至元帝初元二年十一月癸亥朔旦冬至其間
相距皆七十六年此最為得實又與魯世家注皇甫謐
所紀歲次皆合今從之六國表差謬難可盡據也余按
考異自魯僖公五年至漢元帝初元二年六百餘年間
十二月朔旦冬至相距皆七十六年此最為得實又與
魯世家注皇甫謐所紀歲次皆合蓋謂劉彘長歷也

且言史記六國表差謬難可盡據又按通鑑目錄編年
用劉勰史長歷漢武帝太初元年初用夏正定歷史記
歷書是年書闕達攝提格目錄書疆圉亦奮若闕達攝
提格甲寅也疆圉亦奮若丁丑也有二十四年之差溫
公用彛史歷節康節皇極經世書亦用彛史歷康節少
自雄其才既學力慕高遠一見李之才遂從而受學廬
于共城百源冬不爐夏不扇夜不就席者數年覃思于
易經也皇極經世書不能達彛史歷及其來居于洛而
溫公亦奉祠以書局在洛相過從稔又夙所敬者也余
意其講明之間必嘗及此而決於用彛史歷讀者異此
一段辭

意可見

韓文侯薨子哀侯立

二十六年王崩子烈王喜立 魏韓趙共廢晉靖公為

家人而分其地

唐叔不祀矣

烈王

名喜安
王之子

元年日有食之

韓滅鄭因徙都之

韓本都平陽其地屬漢之河東郡中

間徙都陽翟鄭都新鄭其地屬漢之河南郡鄭桓公始封于鄭其地屬漢之京兆後滅虢鄆而國於漆洧之間故曰新鄭左傳鄭莊公所謂吾先君新邑於此是也今韓既滅鄭自陽翟徙都之韓既都鄭故時人亦謂韓王為鄭王考之戰國策韓非子可見

趙敬侯薨子成侯種立

種章
勇翻

三年燕敗齊師於林狐

敗補
邁翻

魯伐齊入陽關

徐廣曰陽關在鉅平

班志鉅平縣屬太山郡括地志陽關故城在兗州博城縣南二十九里其城之西臨汶水汶音問

魏伐

齊至博陵

史記正義曰博陵在濟州西界宋白曰史記齊威王伐晉至博陵徐廣曰東郡之博平漢

為縣 燕僖公薨子桓公立 宋休公薨子辟公立辟亦

之所 衛慎公薨子聲公訓立謚法敏以敬曰慎戴

不載 四年趙伐衛取都鄙七十三周禮太宰以八則治都鄙

卿大夫之采邑蓋周之制四縣為都方四十里一千六百井積一萬四千四百大五都為鄙鄙五百家也此時

衛國編小若都鄙七十三以成周之制率之其地 魏

敗趙師于北蘭班志西河郡有蘭縣史記正義曰在石

翻

五年魏伐楚取魯陽左傳所謂劉累遷于魯縣即魯陽

義曰今汝
州魯山縣

韓嚴遂弑哀侯國人立其子懿侯初哀侯

以韓龐為相而愛嚴遂二人甚相害也嚴遂令人刺韓

龐於朝龐走哀侯哀侯抱之人刺韓龐兼及哀侯

戰國策以

聶政刺韓相事及并中哀侯為一事此從史記蜀本注
曰按太史公年表及韓世家於韓烈侯三年皆書聶政
殺韓相俠累於哀侯六年又皆書嚴遂弑哀侯以刺客
傳考之聶政殺俠累事在哀侯時以戰國策考之亦然
從傳與戰國策則是年表世家於烈侯三年書盜殺俠
累誤矣通鑑於烈侯三年載聶政殺俠累事又於哀侯
六年韓嚴遂弑其君哀侯是從年表世家所書蓋刺客
傳初不言并殺哀侯止戰國策言之通鑑宜以此疑之
歟故載并刺哀侯不書聶政止曰使人以此求之則通
鑑之意不以嚴仲子為嚴遂亦不以俠累為韓龐止從

年表世家而不信其傳也余按溫公與劉道原書亦疑此事鹿戶賄翻相息亮翻刺七亦翻朝直遙翻走音奏魏武侯薨不立太子子瑩與公中緩爭立國內亂

耕瑩於翻

中讀

曰仲

六年齊威王來朝是時周室微弱諸侯莫朝而齊獨朝

之天下以此益賢威王

朝直遙翻

趙伐齊至鄆

班志濟陰郡有鄆城

縣鄆工

魏敗趙師于懷

班志河內郡有懷縣魏收地

管內有懷城

齊威王召即墨大夫語之曰自子之居

敗補邁翻

即墨也毀言日至

班志即墨縣屬膠東國括地志即墨故城在萊州膠水縣南六十里宋白

曰城臨墨水故曰即墨語牛倨翻下同

然吾使人視即墨田野辟

辟讀曰開下同

人民給官無事東方以寧是子不事吾左右以求助也

封之萬家召阿大夫語之曰自子守阿譽言日至

阿即東阿

縣志屬東郡卷音余稱其美也

吾使人視阿田野不辟人民貧餒昔

曰趙攻鄆子不救

鄆工據翻

衛取薛陵子不知

薛陵春秋薛國之墟也班

志薛縣屬魯國而衛國在漢東郡陳留界薛陵屬齊而近於衛故為所取齊後封田嬰於此

是子厚

幣事吾左右以求譽也是日烹阿大夫及左右嘗譽者

於是羣臣聳懼莫敢飾詐務盡其情齊國大治彊於天

下魯音余治直吏翻

楚肅王薨無子立其弟良夫是為宣王

宋辟公薨子剔成立

剔他歷翻

七年日有食之王崩弟扁立

據班書古今人表師古注扁音篇

是為

顯王魏大夫王錯出奔韓

姓譚王氏之所自出非一出太原琅邪者周靈王太

子晉之後北海陳留齊王田和之後東海出自姬姓高平京兆魏信陵君之後天水東平新蔡新野山陽中山章武東萊河東者殷王子比干為紂所害子孫以王者之後號曰王氏余謂此皆後世以諸郡著姓言之耳春秋之時自有王姓公孫頤謂韓懿侯曰魏亂可取也

公孫

姓也黃帝公孫氏頤渠希翻

懿侯乃與趙成侯合兵伐魏戰于濁澤

大破之遂圍魏

史記正義曰徐廣以為長社濁澤非也括地志云濁水源出蒲州解縣東北平

地爾時魏都安邑韓趙伐魏豈至河南長社邪解縣濁水近于魏都當是也

成侯曰殺螳立

公中緩割地而退我二國之利也懿侯曰不可殺魏君

暴也割地而退貪也不如兩分之魏分為兩不彊於宋

衛則我終無魏患矣趙人不聽懿侯不悅以其兵夜去

趙成侯亦去螳遂殺公中緩而立

中讀曰仲

是為惠王太史

公曰魏惠王所以身不死國不分者二國之謀不和也

若從一家之謀魏必分矣故曰君終無適子其國可破

也
索隱曰蓋古人之言及俗
說故云故曰適讀曰嫡

資治通鑑卷一

資治通鑑卷二

宋 司馬光 撰

胡三省 音註

周紀二

起昭陽赤奮若盡上章困敦凡四十八年起癸丑終庚子

顯王

十一家謚法行見中外曰顯受祿于天曰顯百辟惟刑曰顯周公益未有此謚而周之末

世謚顯王曰顯意謂後世傳寫周公謚法者遺之

元年齊伐魏取觀津

康曰齊伐魏魏惠王請獻觀以和即觀津余按班志信都國有觀津

縣與齊相去甚遠且趙地也又東郡有斟觀縣水經大河故濟東逕五鹿之野又東逕衛國故城南古斟觀也

此其魏之觀津縣徐廣曰觀今衛縣史記正義曰魏州觀城縣古觀國國語云觀國夏太康第五弟之所封也
觀工
喚翻
趙侵齊取長城
蘇代說燕王曰齊有長城鉅防

此即

三年魏韓會于宅陽

水經注曰滎澤之際有沙城世謂水城非也魏冉走芒卯入北宅即

此宅陽城括地志曰宅陽故城在鄭州滎陽縣東十七里洛陽在洛水之北周公遷殷民於此謂之成周班志屬河南郡敗補邁翻

秦敗魏師韓師于洛陽

四年魏伐宋

五年秦獻公敗三晉之師于石門

水經注馮翊雲陽縣有石門山括地志在

雍州三原縣西北三十二里又曰堯門山俗名石門上有路其狀若門故老云堯鑿山為門因名之武德中於此山南置石門縣

斬首六萬王賜以黼黻之服

黼者刺繡為斧

形敵者刺繡為兩已相背孔穎達曰白與黑謂之黼黑與青謂之黻黼音甫黻音弗

七年魏敗韓師趙師于澮

澮古外翻括地志澮水在絳州翼城縣東南二十五里水

側有皮秦魏戰于少梁

班志馮翊夏陽縣故少梁師古曰本梁國為秦所滅至惠文王

十一年更名夏陽康曰魏有大梁故此稱魏師敗績獲

魏公孫痤

左傳師大崩曰敗績座才何翻

魏聲公薨子成侯速立

燕桓公薨子文公立

燕因肩翻考異曰史記蘇秦傳謂之燕文侯按春秋時北燕簡公

已稱公文公之子易王尋稱王
宜文公獨稱侯乎今從世家

秦獻公薨子孝公立

索隱曰孝公生二十一年矣是時河山以東疆國六

河自龍門上口南抵華陰而東流秦國在河之西山自

鳥鼠同穴連延為長安南山至于秦華秦國在山之西

韓趙魏齊楚燕六國皆在河淮泗之間小國十餘

山以東華戶化翻燕因肩翻淮泗之間小國十餘

氏縣東南有桐柏大復山淮水所出東南至淮陵入海

泗水出魯國卞縣西南至方輿入沛宋魯鄆滕薛郕等

國國於其間齊威王楚魏與秦接界魏築長城自鄭濱

所謂泗上十二諸侯

洛以北有上郡

鄭縣周宣王母弟鄭桓公封邑班志屬

水東過華陰縣北洛水入焉洛水古漆沮之水也又

長潤水南出秦華之山側長城東而北流注于渭史記

有

記

所謂魏築長城自鄭濱洛者也宋白曰今華州東南魏長城是也上郡漢屬并州隋唐之綏州延州秦漢之上

郡地也

楚自漢中南有巴黔中

漢中郡漢屬益州自晉以後為梁州巴即春秋

濱音賓

巴子之國漢為巴郡屬益州唐為巴渝渠果諸州之皆地黔中漢為牂牁郡之地唐為黔中節度黔渠今翻

以夷翟遇秦

翟與秋同

擯斥之不得與中國之會盟

擯必刃翻與讀

預於是孝公發憤布德修政欲以彊秦

憤房粉翻慙也怒也朱元晦曰

憤者心求通而未得之意

八年孝公下令國中曰昔我穆公自岐雍之間修德行

武東平晉亂以河為界西霸戎翟廣地千里天子致伯

諸侯畢賀

令力正翻號令也命令也令者出於上而行於下者也岐山周太王所邑班志岐山在扶

風美陽縣西雍縣屬扶風秦穆公娶晉獻公之女獻公

卒晉國亂穆公納惠公惠公立而背河外之賂又閉秦

穆公伐晉執惠公既而歸之始征晉河東置官司惠

公卒子懷公立穆公納文公而晉亂平又能用由余及

孟明以霸西戎天子致伯者周禮九命作伯古有九州

一為王畿八州八伯各主其方之諸侯致伯者以方伯

之任致之穆公也雍於為後世開業甚光美會往者屬

用翻伯如字背蒲妹翻

躁簡公出子之不寧國家內憂未遑外事三晉攻奪我

先君河西地醜莫大焉

為于偽翻史記秦厲共公卒子躁公立躁公卒立其弟懷公四

年庶長薨圍懷公公自殺乃立靈公靈公卒子獻公不
得立立靈公之季父是為簡公公卒而惠公立惠公卒

子出子立二年庶長改殺出子迎立獻公于河西
地即魏所有西河之外史記正義曰自華州北至同州
並魏河西之地蹀則到翻共讀曰獻公即位鎮撫邊境
恭是古朝字長知兩翻華戶化翻

徙治櫟陽

史記秦獻公二年始治櫟陽徐廣註曰即漢萬年縣余按漢志櫟陽萬年為兩縣皆屬馮

翊後漢始有併宋白曰櫟陽秦舊縣漢高祖既葬太上
皇於萬年陵仍分櫟陽置萬年縣以為陵邑理櫟陽城
中故櫟陽城亦名萬年城後漢省櫟陽縣入萬年縣後
魏大統中分萬年置鄠丘宣武又分置廣陽縣周明帝
省萬年入高陵廣陽二縣更於長安城中別置萬年縣
唐武德元年又改廣陽為櫟陽元和十五年並移隸奉
先縣以奉景

陵櫟音藥

且欲東伐復穆公之故地修穆公之政令

寡人思念先君之意常痛於心賓客羣臣有能出奇計

疆秦者吾且尊官與之分土

謂裂地以封之使各有分土分扶問翻

於是

衛公孫鞅聞是令下乃西入秦公孫鞅者衛之庶孫也

好刑名之學

師古曰劉向別錄云申子學好刑名刑名者循名以責實其尊君卑臣崇上抑下合

於六經說者曰刑刑家名名家即太史公所論六家之二也此說非劉原父曰刑名即并學兩家術耳公孫非姓氏以其先出於衛父為衛侯則稱為事魏相公孫座公子祖為衛侯則稱為公孫鞅於兩翻

座知其賢未及進會病魏惠王往問之曰公叔病如有

不可諱

相息亮翻座才戈翻謂死也俗語有之人不可諱死

將奈社稷何公叔

曰座之中庶子衛鞅

自戰國以來大夫之家有中庶子有舍人

年雖少有奇

才少詩照翻願君舉國而聽之王嘿然公叔曰君即不聽用

鞅必殺之無令出境王許諾而去丁令力翻公叔召鞅謝曰

吾先君而後臣去聲故先為君謀後以告子此先後皆如字

為子偽翻子必速行矣鞅曰君不能用子之言任臣又安能

用子之言殺臣乎卒不去卒子恒翻王出謂左右曰公叔病

甚悲乎欲令寡人以國聽衛鞅也既又勸寡人殺之豈

不悖哉悖蒲內翻衛鞅既至秦因嬖臣景監以求見孝公嬖博

計翻又平義翻史記正義監甲暫翻康曰景姓楚之族監古銜切非說以富國彊兵之術

公大悅與議國事

說式
為翻

十年衛鞅欲變法秦人不悅衛鞅言於秦孝公曰夫民

不可與慮始而可與樂成

夫音扶
樂音洛

論至德者不和於俗

成大功者不謀於衆是以聖人苟可以彊國不灋其故

索隱曰言救弊為政之術所為苟可
以彊國則不必須要法於故事也

甘龍曰不然

索隱
曰甘

姓龍名甘姓出春秋時甘昭公子帶
之後姓譜又曰甘姓商甘盤之後

因民而教者不勞

而成功緣灋而治者吏習而民安之

治直
吏翻

衛鞅曰常人

安於故俗學者溺於所聞

溺奴
歷翻

以此兩者居官守灋可

也非所與論於瀆之外也智者作瀆愚者制焉賢者更

禮不肖者拘焉

更工衛制

公曰善以衛鞅為左庶長

劉邠制曰春

秋傳有庶長絕商君為政備其法品為十八級合關內
侯列侯凡二十等其制因古義古者天子寄軍政於六
卿居則以田警則以戰所謂入使治之出使長之素信
者與衆相得也故啓伐有扈乃名六卿大夫之在軍為
將者也及周之六卿亦以居軍在國也則以比長閭胥
族師黨州長鄉大夫為稱其在軍也則以司馬將軍卒
伍為號所以異在國之名也秦依古制其在軍賜爵為
等級其師人皆更卒也有功賜爵則在軍吏之例自一
等以上至不更四等皆士也大夫以上至五大夫五等
比大夫也九等依九命之義也曰左庶長至大庶長比
九卿也關內侯者依古圻內子男之義也秦都山西以
關內為王畿故曰關內侯也列侯者依古列國諸侯之

以庶更為名大庶長即大將軍也左右
庶長即左右偏裨將軍也長知大翻
卒定變法之令

令民為什伍而相收司連坐

索隱曰收司謂相糾發也一家有罪則九家連舉發

若不糾舉則九家連坐師古曰五人為伍二伍為什康曰司猶管也為什伍之法使之相司相管秦有見知連

坐法余謂連坐者一家有罪什伍皆相連坐罪也見知乃漢法卒子恤翻告姦者與斬敵首

同賞

索隱曰謂告姦一人則得爵一級故曰與斬敵首同賞

不告姦者與降敵同

罰

索隱曰律降敵者誅其身沒其家今匿姦者言當與之同罰降戶江翻

有軍功者各以

率受上爵

率音律

為私闔者各以輕重被刑大小

業耕織致粟帛多者復其身

僇力竹翻古戕字說文并力也字林音遼復方目翻

漢法除其賦稅

役皆謂之復 事末利及怠而貧者舉以為收孥

索隱曰末

利謂工商糾舉而收錄其妻子沒為奴婢秦法一人有罪收其室家至漢文帝元年始除收孥相坐法孥音奴

宗室非有軍功論

論議也有戰功之可論也論盧因翻康廬昆切

不得為屬籍

屬籍宗屬之籍也孔穎達曰漢之同宗有屬籍則周家繫之以姓是也周禮小史之官掌定帝繫世本知世代

賂移屬

明尊卑爵秩等級各以差次

白虎通曰爵者盡也所以盡人才也

毛晃曰大夫以上預燕饗然後賜爵秩以章有德秩職也官也積也次也常也序也

名田宅臣妾

衣服有功者顯榮無功者雖富無所芬華令既具未布

恐民之不信乃立三丈之木於國都市南門募民有能

徙置北門者予十金

予讀曰與

民怪之莫敢徙復曰能徙者

予五十金

復扶文翻

有一人徙之輒予五十金

李云金方寸重一斤為一

金程大昌演繁露曰二十兩為一金亦為一鎰

乃下令令行朞年秦民之國都

之往也如也

言新令之不便者以千數於是太子犯法衛鞅

曰法之不行自上犯之太子君嗣也

嗣祥吏翻

不可施刑刑

其傅公子虔黥其師公孫賈

墨涅其面曰黥音渠京翻為後秦殺商君鞅張本

明日秦人皆趨令

索隱曰趨者向也附也音七喻翻

行之十年秦國道

不拾遺山無盜賊民勇於公戰怯於私鬪鄉邑大治

自是

年至三十一年商鞅死蓋鞅之行其法而致效在十年之間又十年而致禍治直吏翻

秦民初言

令不便者有來言令便衛鞅曰此皆亂法之民也盡遷之於邊其後民莫敢議令

臣光曰夫信者人君之大寶也

扶夫音

國保於民民保

於信非信無以使民非民無以守國是故古之王者

不欺四海

孔穎達曰自今本皆曰古

霸者不欺四鄰善為國者不

欺其民善為家者不欺其親不善者反之欺其鄰國欺其百姓甚者欺其兄弟欺其父子上不信下下不

信上上下下離心以至於敗所利不能藥其所傷所獲不能補其所亡豈不哀哉昔齊桓公不背曹沫之盟

晉文公不貪伐原之利魏文侯不棄虞人之期

姓譜曹本

自顓頊之玄孫陸終之子六安是為曹姓周武王封曹狹於邾故邾曹姓也又云曹叔振鐸之後武王母弟也後以為氏史記齊桓公伐魯魯莊公請平桓公許之與盟於柯將盟曹沫以匕首劫桓公於壇上請反魯之侵地桓公許之曹沫去匕首而就臣位桓公後悔欲殺曹沫管仲不可遂反所侵地於魯諸侯聞之皆信齊而欲附焉左傳晉文公圍原命三日之糧原不降命去之謀出曰原將降矣軍吏曰請待之公曰得原失信所亡滋多退一舍而原降魏文侯事見上卷威烈王二十三年背蒲妹反索隱曰沫音亡葛

翻左傳穀梁並作曹劇然則沫宜音劇沫劇聲相近而字異耳秦孝公不廢徙木之

賞此四君者道非粹白而商君尤稱刻薄又處戰攻

之世天下趨於詐力猶且不敢忘信以畜其民處昌

趨七喻翻畜許六翻養也况為四海治平之政者哉治直吏翻

韓懿侯薨子昭侯立

謚法昭德有勞曰昭聖聞周達曰昭

十一年秦敗韓師于西山

自宜陽熊耳東連嵩高南至魯陽皆韓之西山敗補邁翻

十二年魏韓會于鄆

班志鄆縣屬中山郡此時為趙地後漢改曰高邑唐為趙州柏鄉縣

贊皇縣地鄆呼各翻

十三年燕趙會于阿

燕因肩綽

趙齊宋會于平陸

十四年齊威王魏惠王會田于郊惠王曰齊亦有寶乎

威王曰無有惠王曰寡人國雖小尚有徑寸之珠照車

前後各十二乘者十枚

乘絕證翻

豈以齊大國而無寶乎威

王曰寡人之所以為寶者與王異吾臣有檀子者

姓譜云齊

公族有食采於瑕丘檀城因以為氏

使守南城

城在齊之南境故曰南城

則楚人不敢

為寇泗上十二諸侯皆來朝

朝直遙翻

吾臣有盼子者使守

高唐則趙人不敢東漁于河

盼匹覓翻又波班翻按丁度集韻盼與盼同盼子齊

之同姓即田盼也班志高唐縣屬平原郡杜預曰祝阿西北有高唐城宋白曰齊州章丘縣古高唐春秋戰國之時為齊邑故城在廢禹城縣西四十里唐之禹城漢祝阿也吾吏有黔夫者使守徐

州姓譜齊有黔故則黔亦姓也音其港翻司馬彪曰魯國薛縣六國時曰徐州徐音舒丁度集韻徐作徐音

同則燕人祭北門趙人祭西門燕在齊之北趙在齊之西賈逵曰燕趙畏齊故

祭以求福燕因肩髀徙而從者七千餘家吾臣有種首者使備盜

賊則道不拾遺種章勇翻此四臣者將照千里豈特十二乘

哉惠王有慙色秦孝公魏惠王會于杜平班志京兆有杜陵縣

故周之杜伯國也史記灌嬰傳嬰以昌平侯食邑于杜平鄰正義曰杜平在唐之同州澄城縣界魏世家作杜

平

魯共公薨子康公毛立

共讀曰恭

十五年秦敗魏師于元里

史記正義曰元里亦在同州澄城縣界敗補邁翻

斬

首七千級

秦法戰而斬敵人一級者賜爵一級因謂之級一首

取少梁

少詩照翻

魏惠

王伐趙圍邯鄲楚王使景舍救趙

邯音寒鄲音丹昭屈景皆楚之同姓楚強

族也屈九勿翻

十六年齊威王使田忌救趙初孫臏與龐涓俱學兵法

姓譜周文王子康叔封于衛至武公子惠孫曾耳為衛上卿因氏馬後有孫武孫臏俱善兵趙明誠金石錄有漢安平相孫根碑云先出自有殷之裔子武王定周封比干墓肅裔分析定曰孫馬姓譜又曰龐姓畢公高之

後支庶封於龐因氏焉龐頻忍翻則刑也去膝益骨鄭

玄曰周改龐作則則斷足也書傳云決闕梁踰城郭而

畧盜者具刑

龐孫龐益以刑足故呼為龐說文

龐涓仕

龐為將軍

將軍之官自周以來有之

自以能不及孫龐乃召之至則

以法斷其兩足而黥之

斷丁管翻

欲使終身廢棄齊使者至

魏孫龐以刑徒陰見說齊使者

齊使疏吏翻說式芮翻

齊使者竊

載與之齊

之往也

田忌善而客待之進於威王威王問兵

法遂以為師於是威王謀救趙以孫龐為將辭以刑餘

之人不可乃以田忌為將而孫子為師居輜車中坐為

計謀

將即亮翻字林曰駢車有衣蔽無後轅者謂之輜釋名曰有邱曰輜無邱曰駢傳子曰周曰輜車即

輜也康曰駢車也軍行所以載輜重輜楚持翻駢蒲眠翻重直用翻

田忌欲引兵之趙孫

子曰夫解雜亂紛糾者不控拳

索隱曰謂事之雜亂紛糾也解雜亂紛糾者當

善以手解之不可控拳而擊之余謂雜亂紛糾者謂人鬪者耳非事也康曰拳與綦同綦者攘臂繩也余謂當

從索隱說康救鬪者不搏撻

索隱曰搏撻音博戰謂救鬪者當善撻解之母以手

相搏戰則其怒益熾矣按撻謂以手持撻以刺人也余謂索隱之說善矣但以撻為持撻以刺人則非也撻如

漢書撻太后掖之撻師古曰撻謂拘持之也毛晃曰索隱曰搏拘持曰撻

批亢擣虛形格勢

禁則自為解耳

索隱曰批白結翻亢苦浪翻按批者相排抗也音白滅翻亢言敵人相亢拒也

搏者擊也。衝也。虛空也。謂前人相亢，必須批之。彼兵若虛，則衝搏之。若批其相亢，擊搏彼虛，則是其形相格。其勢自禁，止則彼自為解也。康曰：亢，極也。高也。搏，築也。乘其高亢而批之，乘其虛而搏之，則其勢自解。批亢搏虛，所謂形格勢禁也。余謂索隱之說為長。蓋鬪者方相亢，拒則排批之，使解虛者兩敵拒鬪，力所不及之處，搏之。則雖欲鬪，其勢不能解。此易見也。格，各額翻。格，正也。又擊也。鬪也。吳都賦：萬萬笑而被格。本音如字。協韵音。閏萬與佛同。今梁趙相攻，輕兵銳卒，必竭於外，老弱疲音父沸翻。

於內，子不若引兵疾走魏都，據其街路，衝其方虛。

康曰：虛音。

據余謂虛如字，衝其方虛，即上所謂搏虛也。索隱之說義亦如此。走則奏翻。

彼必釋趙以自

救。是我一舉解趙之圍而收弊於魏也。田忌從之。十月

邯鄲降魏

邯音寒邯音丹降戶江翻

魏師還與齊戰于桂陵魏師大

敗

還從宣翻又音如字水經注濮渠與酸水會水東逕滑臺城南又東南逕瓦亭南又東南會于濮濮渠之

側有漆城桂城亦曰桂陵即田忌敗魏師處史記正義曰桂陵在曹州乘氏縣東南二十一里濮博木翻

韓伐東周取陵觀廩丘

周室衰微戰國之時僅有七邑漢時之河南洛陽穀城平陰偃

師鞏鞏氏是也晉志曰周考王封周桓公孫惠公於鞏號東周故戰國有東西周芒山首山其界也陵觀廩丘皆當時邑聚之名史無所考廩丘史記作邢丘觀古玩翻

楚昭奚恤為相江乙言

於楚王曰人有愛其狗者狗嘗溺井

昭屈景楚之強族所謂三閭者也太

史公曰羸姓分封為江氏相息亮翻溺奴弔翻

其鄰人見欲入言之狗當門而

嗟之今昭奚恤常惡臣之見亦猶是也

嗟時制翻見謂見楚王也惡烏

路翻且人有好揚人之善者王曰此君子也近之好揚人

之惡者王曰此小人也遠之

好呼到翻近者附近之近去聲遠于願翻推而遠之

雷翻吐然則且有子弑其父臣弑其主者而王終已不知

也已音紀終已猶言終身也何者以王好聞人之美而惡聞人之惡

也王曰善寡人願兩聞之

江乙欲毀昭奚恤故先設是言

十七年秦大良造伐魏

索隱曰大良造即大上造也按史大良造大上造之良者也

又按六國年表秦孝公之十年顯王之十七年所謂大

記秦紀孝公十年衛鞅為大良造將兵圍魏安邑降之

良造伐魏即衛鞅將兵也是時魏都安邑其兵猶強龐
涓太子申公子卬未敗安邑不應遽降於秦至顯王二
十九年卬軍既敗魏獻河西之地於秦始去安邑徙都
大梁史記六國表不書徙大梁而世家書之魏世家於
是年不書安邑降秦而秦紀孝公十年書之通鑑從魏
世家於顯王二十九年書魏去安邑徙大梁而是年不
書魏安邑降秦蓋亦疑而除去之但大良造
之下當有衛鞅二字意謂傳寫通鑑者逸之
諸侯圍
魏襄陵史記正義曰襄陵故城在兗州鄒縣余按魏境
時不至於鄒班志河東有襄陵縣師古曰晉襄
公之陵因以名縣括地志襄陵在晉州臨汾縣東南三
十五里宋白曰後魏為禽昌縣隋大業二年改為襄陵
縣以趙襄子晉襄
公俱陵於是邑也

十八年秦衛鞅圍魏固陽降之

魏有上郡北至固陽漢
五原郡稠陽縣是也括

地志固陽在銀州銀城縣界按魏築長城自鄭濱洛北抵銀州至勝州固陽縣為塞也固陽有連山東至黃河

西南至夏會等州降

魏人歸趙邯鄲邯音丹與趙盟

戶江翻夏戶雅翻

漳水上

記曲禮曰蒞牲曰盟盟者殺牲歃血誓於神也天下太平之時諸侯不得擅相與盟惟天子

狩至方岳之下會畢乃與諸侯相盟同好惡獎王室以昭事神訓民事君凡國有疑則盟詛其不信者至於五霸有事而會不協而盟盟之為法先鑿地為方坎殺牲於坎上割牲左耳盛以珠盤又取血盛以玉敦用血為盟書成乃歃血而讀書左傳云坎用牲加書是也班志濁漳水出上黨長子縣虎谷山東至鄴入清漳水經曰出長子縣發鳩山東至武安縣與清漳會謂之交漳口又東過鄴縣列人又東北過鉅鹿信都謂之衝漳又東東入海漳諸良翻

韓昭侯以申不害為相諡法昭德

聖聞周連曰昭姓譜四岳之後封於申周有申伯鄭有大夫申侯齊有申鮮虞相思亮翻申不害者

鄭之賤臣也學黃老刑名以干昭侯

黃老黃帝老子之書

昭侯用

為相內修政教外應諸侯十五年終申子之身國治兵

彊

治直吏翻申子嘗請仕其從兄

從才用翻羣從之從同

昭侯不許申

子有怨色昭侯曰所為學於子者欲以治國也

為于偽翻治直

之翻今將聽子之謁而廢子之術乎已其行子之術而廢

子之請乎子嘗教寡人修功勞視次第今有所私求我

將奚聽乎申子乃辟舍請罪曰君真其人也

辟讀曰避

昭侯

有弊袴命藏之

袴苦故翻
脛衣也

侍者曰君亦不仁者矣不賜

左右而藏之昭侯曰吾聞明主愛一嘖一咲嘖有為嘖

咲有為咲今袴豈特嘖咲哉吾必待有功者

言袴雖弊其直猶重

固不止於嘖咲也然人主之嘖咲所關甚大昭侯姑以此為言耳為子偽翻嘖與彈同愁戚之貌咲古笑字

十九年秦商鞅築冀闕宮庭於咸陽

索隱曰冀闕即魏闕也爾雅觀謂之

闕郭璞曰宮門雙闕也釋名闕在門兩旁中間闕然為

道也三輔皇圖曰人臣至此必思其所闕少爾雅宮謂

之室郭璞曰宮謂圍繞之也說文曰庭朝中也蒼頡篇

曰庭直也風俗通曰庭正也言縣庭郡庭朝庭皆取平

均正直也三輔皇圖曰山南為陽水北為陽山水皆在

陽故曰咸陽漢高帝更名新城武帝更名渭城屬右扶

風括地志咸陽故城在雍州咸陽縣東十五里在長安
城北四十五里宋白曰咸陽縣本周王季所都秦又都
之三秦記秦都在九峻山南渭水北山水俱陽故名咸
陽二十九年秦始封衛鞅於商號商君史以後所封書
之徙都之令民父子兄弟同室內息者為禁

息止也秦俗父子兄

弟同室居止商君始更制禁同室內息者堯教民以人
倫教之有序有別秦用西戎之俗至於男女無別長幼
無序商君今為之禁古道也烏可例言之白虎通曰父
矩也以法度教子也子孽也孽孽無已也兄况也况父
法也弟悌也并諸小鄉聚集為一縣縣置令丞凡三十
心順行篤也

一縣廢井田開阡陌

周禮六鄉鄉萬二千五百家又百家之內曰鄉五鄙為縣縣二千五

百家此六遂之縣也四甸為縣此州里之縣也周制天
子地方千里分為百縣縣有四郡左傳趙鞅所謂上大

夫受縣下大夫受郡者也秦并天下置三十六郡以監天下之縣自是始統於郡矣釋名曰縣懸也懸于郡也漢書音義所謂大曰鄉小曰聚亦秦制也廣雅曰聚聚居也音慈諭翻縣令丞之官始此令音力正翻令命也告也律也法也長也使為一縣之長以行誥命法律也丞翊也副貳也成周之制田方里為井井九百畝八家各耕百畝其中百畝八十畝為公田二十畝為廬舍史記正義曰南北曰阡東西曰陌劉伯莊曰開田界道使不相干長

平斗桶權衡丈尺

音勇斛也沈括曰予受詔

知兩翻考鍾律及鑄渾儀求秦漢以來度量斗升計六斗當今之一斗七升九合秤三斤當今十三兩一斤當今四兩三分兩之一一兩當今六銖半為升中方古尺二寸五分十分分之三今尺一寸八分百分分之四十五強

秦魏遇于彤

彤周彤伯所封之國國于王畿之內史記六國年表商君反死彤地則其地當

在漢京兆鄭縣
界形徒冬翻

趙成侯薨公子緹與太子爭立緹敗

奔韓

緹私列翻趙成侯敬侯之
子名種太子肅侯語也

二十一年秦商鞅更為賦稅法行之

井田既廢則周什
一之法不復用蓋

計畝而為賦稅
之法更工衡翻

二十二年趙公子范襲邯鄲不勝而死

邯音寒
鄲音丹

二十三年齊殺其大夫牟

魯康公薨子景公偃立

衛更貶號曰侯服屬三晉

周成王封康叔為衛侯其後
世進爵為公今寢以弱小貶

號曰侯貶
悲檢翔

二十五年諸侯會于京師

時天下宗周以洛陽為京師京大也師衆也京師衆大之

名也

二十六年王致伯于秦

伯如字伯者周二伯九伯之任

諸侯皆賀秦秦

孝公使公子少官帥師會諸侯于逢澤以朝王

左傳逢澤有介

康馬宋地也杜預註曰地理志言逢澤在滎陽開封縣東北遠疑非括地志曰逢澤在汴州浚儀縣東南二十

四里師

音率

二十八年魏龐涓伐韓韓請救于齊齊威王召大臣而

謀曰蚤救孰與晚救成侯曰不如勿救

鄒忌為齊相封成侯

田忌

曰弗救則韓且折而入於魏折而設翻不如蚤救之孫臏曰

夫韓魏之兵未弊而救之

臏頻忍翻又昆賓翻夫音扶

是吾代韓受

魏之兵顧反聽命於韓也且魏有破國之志韓見亡必

東面而怨於齊矣

見亡言見有亡國之勢也怨告怨也

吾因深結韓之親

而晚承魏之弊則可受重利而得尊名也王曰善乃陰

許韓使而遣之

陰間也使疏吏翻

韓因恃齊五戰不勝而東委

國於齊齊因起兵使田忌田嬰田盼將之

盼與盼同音匹覓翻將即

亮翻下同又音如字領也

孫子為師以救韓直走魏都

走音奏

龐涓聞

之去韓而歸

龐薄江銅涓古玄銅

魏人大發兵以太子申為將以

禦齊師孫子謂田忌曰彼三晉之兵素悍勇而輕齊

即將

亮

銅悍下罕又音汗

齊號為怯善戰者因其勢而利導之兵瀆

百里而趨利者蹙上將五十里而趨利者軍半至

此孫武子

兵法也

趙七喻銅魏武帝曰蹙其月銅蹙猶挫也劉氏曰蹙猶斃也半至謂軍趨利前後不相屬半至半不至

也屬步玉銅

乃使齊軍入魏地為十萬竈明日為五萬竈又

明日為二萬竈龐涓行三日大喜曰我固知齊軍怯入

吾地三日士卒亡者過半矣

過工未銅

乃棄其步軍

句斷龐薄江銅

涓主與其輕銳倍日并行逐之并行兼程而行也倍日

程孫子度其行暮當至馬陵司馬彪志魏郡元城縣注

預志在縣東南龐涓死處虞喜志林馬陵在濮州鄆城

馬陵道隘而旁多阻隘可伏兵隘與狹同乃斫大樹白

而書之曰龐涓死此樹下於是令齊師善射者萬弩夾

道而伏期日暮見火舉而俱發龐涓果夜到斫木下見

白書以火燭之讀未畢萬弩俱發魏師大亂相失龐涓

自知智窮兵敗乃自剄曰遂成豎子之名龐涓薄江翻涓

頂翻斷首也康古定切非豎
殊遇翻說文豎使布短衣

齊因乘勝大破魏師虜太

子申成侯鄒忌惡田忌

鄒以國為氏
惡烏路翻

使人操十金卜於

市

孫七
刀翻

曰我田忌之人也我為將三戰三勝欲行大事

可乎卜者出因使人執之田忌不能自明率其徒攻臨

淄

臨淄齊國都也城臨淄水因以為名班志臨淄屬求
齊國臣贊曰臨淄即營丘太公營之淄莊持翻

成侯不克出奔楚

為下齊復
田忌張本

二十九年衛鞅言於秦孝公曰秦之與魏譬若人有腹

心之疾非魏并秦秦即并魏何者魏居嶺阨之西

索隱
曰蓋

安邑以東山嶺險阨之地今蒲州中條以東連汾晉之險塹皆其地也阨於韋翻

界河

秦魏以河為界也

而獨擅山東之利

擅市戰翻

利則西侵秦病

則東收地今以君之賢聖國賴以盛而魏往年大破於

齊諸侯畔之可因此時伐魏魏不支秦必東徙然後秦

據河山之固東鄉以制諸侯

鄉讀此帝王之業也公從

之使衛鞅將兵伐魏魏使公子卬將而禦之軍既相距

衛鞅遺公子卬書曰吾始與公子驩今俱為兩國將

即將

亮翻遺不忍相攻可與公子面相見盟樂飲而罷兵以

安秦魏之民

樂音洛

公子邛以為然乃相與會盟已飲

已盟

而飲也而衛鞅伏甲士襲虜公子邛因攻魏師大破之魏

惠王恐使使獻河西之地於秦以和使使下因去安邑

徙都大梁

班志陳留郡汴州城

西古城戰儀縣故大梁杜佑曰

乃嘆曰

吾恨不用公叔之言

上公叔言見八年

秦封衛鞅商於十五邑

班志弘農郡商縣商君邑裴駰曰商於之地在今順陽郡南鄉丹水二縣有商城在於中故謂之商於史記正義

義曰丹水及商皆屬弘農今言順陽是魏晉始分置順陽郡商及丹水皆屬之也水經注丹水逕南鄉丹水二

縣之問歷於中之北所謂商於者也杜佑曰今鄆州內

鄉縣東七里有於村蓋秦所謂商州商洛縣古商邑高

所封也漢為號曰商君 齊趙伐魏 楚宣王薨子威

王商立

三十一年秦孝公薨子惠文王立公子虔之徒告商君

欲反發吏捕之商君亡之魏之如也魏人不復內之

秦內讀曰納怨其挾詐以破魏師故不受商君乃與其徒之商於發兵北

擊鄭之往也如也鄭京兆之鄭縣也周宣王弟鄭桓公宋邑唐屬華州宋白續通典曰鄭縣古城在華州

秦人攻商君殺之車裂以徇盡滅其家車裂古之

初商君相秦用法嚴酷嘗臨渭論囚渭水盡赤相息

水經渭水出隴西首陽縣鳥鼠山東流至秦都咸陽南商君蓋臨此以論囚決罪曰論論盧囿翻為相

十年人多怨之

按顯王十七年秦以商鞅為大良造十九年商鞅徙秦都咸陽廢井田開阡陌平

權量二十一年更賦稅法為趙良見商君商君問曰子

相當在是年至今年十年矣

相當在是年至今年十年矣

觀我治秦之翻孰與五殺大夫賢

百里奚自費以五殺大夫之皮為人養牛秦

穆公舉以為相秦人謂之五殺大夫殺壯羊也殺音古

趙良曰千人之諾諾不如

一士之諤諤

引趙簡子之言諾應聲也諤謬直也

僕請終日正言而無誅

可乎商君曰諾趙良曰五殺大夫荆之鄙人也穆公舉

之牛口之下

孟子百里奚虞人也以食牛干秦繆公今曰荆之鄙人按史記晉滅虞執百里奚為

秦繆夫人勝百里侯亡秦走宛楚鄢人執之繆公以五
段羊皮贖之以為上大夫侯讀與奚同繆讀與穆同勝
以證綱究而加之百姓之上秦國莫敢望焉相秦六七
於元朝

年而東伐鄭

謂左傳僖三十年與晉圍鄭也相息亮翻

三置晉君一救荆禍

三置晉君謂立惠公懷公文公也索隱曰十二諸侯年表穆公二十八年會晉伐楚朝周此云救荆未詳余按

左傳晉既敗楚於城濮又敗秦於殽穆公使閼克歸楚求成所謂救荆禍蓋指此也秦諱楚故其國記率謂楚

為荆太史公取秦記為史記通鑑又因史記而成書故亦以楚為荆其為相也勞不坐乘

古者車立乘惟安車則坐乘耳暑不張蓋周禮輪人為蓋蓋行於國中

不從車乘

乘經證翻

不操干戈

操五刀翻

五殺大夫死秦國男女

流涕童子不歌謠春者不相杵

記部有喪春不相杵者以音聲相勸相

息亮

今君之見也因嬖人景監以為主

事見上八年嬖

翻監甲

其從政也凌轢公族殘傷百姓

轢郎擊翻

公子

虔杜門不出已八年矣君又殺祝懽而黜公孫賈

祝姓也古

有巫史祀之官其子孫因以為姓或曰武王封黃帝之後於祝其子孫因氏焉

照其京翻詩曰得人

者興失人者崩

逸詩也

此數者非所以得人也君之出也

後車載甲多力而駢脅者為駢乘

杜預曰駢脅合幹也駢步田翻乘經證翻

駢讀

持矛而操闔戟者旁車而趨

薛綜曰闔之為言函也取四戟函車邊此

蓋令力士旁車而趨有急則操禽戰以禦之也後漢志有閭戟車晉志閭戟車長戟邪偃在後唐韻戟名曰闔音所及翻史記正義曰顧野王云矛鉞也方言云矛吳楚江淮之間謂之鉞釋名曰戟格也車旁有枝格旁車

之旁音步浪翻此一物不具君固不出書曰恃德者昌恃力者

亡也逸書此數者非恃德也君之危若朝露朝露易晞言不久也而

尚貪商於之富寵秦國之政言以專秦國為寵也畜百姓之怨

畜讀秦王一旦捐賓客而不立朝朝直翻秦國之所以收

君者豈其微哉微少也趙良言宜少蓋謂太子商君弗

從居五月而難作難乃旦翻史言商君尚刑懷德之既速

二十二年韓申不害卒

卒子恤翻

二十三年宋太丘社亡

班志沛郡有太丘縣又志曰宋太丘社亡周鼎淪沒於泗水中

爾雅石陵太丘釋云謂丘之西有大阜者為太丘宋太丘社亡蓋依丘作社於時亡去咎證也

鄒人

孟軻見魏惠王

鄒春秋之邦國也班志鄒縣屬魯國宋白曰淄州鄒平縣漢舊縣

王曰

叟

叟者尊老之稱稱尺證翻

不遠千里而來亦有以利吾國乎孟子

曰君何必曰利仁義而已矣

不遠千里言不以千里為遠也

君曰何以

利吾國大夫曰何以利吾家士庶人曰何以利吾身上

下交征利而國危矣未有仁而遺其親者也未有義而

後其君者也

後戶
豆翻

王曰善

通鑑於此段前後書王因孟子之文也中間叙孟子答魏

王之言獨改王曰君
不與魏之稱王也

初孟子師子思嘗問牧民之道何

先子思曰先利之孟子曰君子所以教民者亦仁義而

已矣何必利子思曰仁義固所以利之也上不仁則下

不得其所上不義則下樂為詐也

樂音
洛

此為不利大矣

故易曰利者義之和也

易乾卦
文言

又曰利用安身以崇德

也

易大傳
之解

此皆利之大者也

臣先曰子思孟子之言一也夫唯仁者為知仁義之

為利不仁者不知也

扶夫音

故孟子對梁王直以仁義

而不及利者所與言之人異故也

三十四年秦伐韓拔宜陽

三十五年齊王魏王會于徐州以相王

史記正義曰竹書紀年云梁惠

王三十年下邳遷于薛改曰徐州續漢志曰魯國薛縣六國時曰徐州與竹書合徐音舒相王者相立為王也

韓昭侯作高門屈宜臼曰君必不出此門

許慎曰屈宜臼楚大

夫時在韓屈九切翻

何也不時吾所謂時者非時日也夫人固有

利不利時

扶夫音

往者君嘗利矣不作高門前年秦拔宜

陽今年旱君不以此時恤民之急而顧益奢此所謂時

訕舉贏者也

訕區勿翻徐廣曰時衰耗而作奢侈言國家多難而勢訕此時宜恤民之急而舉事

反若有贏餘者失其所以為國之道矣時訕舉贏蓋古語也贏怡成翻

故曰不時越王

無彊伐齊

越王句踐之後自句踐至無彊凡六世句者鈞踐音慈淺翻

齊王使人說

之以伐齊不如伐楚之利

說式芮翻

越王遂伐楚楚人大敗

之

敗補通翻

乘勝盡取吳故地東至于浙江越以此散諸公

族爭立或為王或為君濱於海上

吳之故地漢會稽九江丹陽豫章廬江廣

陵臨淮等郡是也越初都會稽其境北至於禦兒不能全有漢會稽一郡地及其滅吳始并有吳地今楚取吳

地至于浙江則禦兒亦入于楚矣浙江有三源發于太
來者謂之穀水今之衛港是也發於烏傷者水經謂之太
吳寧溪今之婺港是也發於黟縣者班志謂之浙江水
今之嚴港是也三水合為浙江東至錢唐入海浙折也
言水屈折於羣山之間也釋名曰江共也小水流入其
中所公共也國於海上者漢之甌越閩越駱越其後也
浙之列翻濱音賓會古外翻太末之太孟康音閩
港古項翻婺亡遇翻黟音伊閩眉巾翻駱音洛

於楚

朝直
遙翻

三十六年楚王伐齊圍徐州

徐舒音

韓高門成昭侯薨

卒如屈宜白之言卒子恆翻

子宣惠王立

宣惠複
謚也

初洛陽人蘇秦

說秦王以兼天下之術

說式芮翻姓譜蘇已姓顓頊裔
孫吳回生陸終陸終生昆吾封

於蘇至周薛公

秦王不用其言蘇秦乃去說燕文公曰燕之所

以不犯寇被甲兵者以趙之為蔽其南也

燕因肩綹被皮義綹

且

秦之攻燕也戰於千里之外趙之攻燕也戰於百里之

內燕南與趙接壤戰於百里之內言其近也秦欲攻燕自蒲潼下兵則為趙所隔故必逕上郡之西出雲中

九原然後至燕故云戰於千里之外夫不憂百里之患而重千里之外計

無過於此者

夫音扶計無過於此者言燕計之過無甚於此

願大王與趙從親

從子容翻

天下為一則燕國必無患矣

此蘇秦為燕至計先定於胃中者

文

公從之資蘇秦車馬以說趙肅侯曰當今之時山東之

建國莫彊於趙

說式芮翻建國猶言立國也

秦之所害亦莫如趙然

而秦不敢舉兵伐趙者畏韓魏之議其後也秦之攻韓

魏也無有名山大川之險稍蠶食之傳國都而止

傳讀曰附

傳著韓魏不能支秦必入臣於秦秦無韓魏之規則禍

中於趙矣

中竹仲翻

臣以天下地圖案之諸侯之地五倍於

秦料度諸侯之卒十倍於秦

料音聊又如字度徒洛翻

六國為一并

力西鄉而攻秦

鄉讀曰嚮

秦必破矣夫衡人者皆欲割諸侯

之地以與秦

衡讀曰橫衡人說客之連橫者

秦成則其身富榮國被秦

患而不與其憂

與讀曰預

是以衡人日夜務以秦權恐喝諸

侯以求割地

索隱曰恐起拱翻喝許曷翻又呼曷翻謂相恐脅也鄒氏喝音憇義疎

故願

大王熟計之也竊為大王計莫如一韓魏齊楚燕趙為

從親以畔秦

從子容翻畔反也反秦之所為也秦之所為者衡也

令天下之將相

會於洹水之上

令盧經翻使也將即亮翻相息亮翻徐廣曰洹水出汲郡林慮縣水經洹水出

上黨注氏縣東北出山逕鄴縣南又東過內黃縣北入于白溝洹音桓又于元翻慮音慮

通質結盟

質音致

約曰秦攻一國五國各出銳師或撓秦

服虔曰撓弱也音奴

教翻又音乃卯翻

或救之有不如約者五國共伐之諸侯從親

以擯秦秦甲必不敢出於函谷以害山東矣

從子容翻擯必刃翻

班志弘農郡弘農縣有秦函谷關漢武帝從楊僕之請移關於新安縣文穎曰秦關在弘農縣衝嶺後移在河

南穀城縣師古曰今桃林縣有洪溜澗水即古所謂函

谷其水北流入河夾河之岸尚有舊關餘跡焉穀城即

新安杜佑曰漢函谷關在漢新安

縣東北一里其秦關在今靈寶縣

肅侯大說

索隱曰肅侯名語謚

法剛德克就曰肅執心

決斷曰肅說與悅同

厚待蘇秦尊寵賜賚之以約於

諸侯會秦使犀首伐魏大敗其師四萬餘人禽將龍賈

取雕陰

犀首魏官名公孫衍為此官因號犀首猶虎牙

將軍之稱龍姓出於龍伯氏或云出於御龍氏

班志上郡有雕陰道括地志雕陰故城在廊

州洛交縣北二十里

肢補邁翻稱尺證翻

且欲東兵

且欲東兵

言引兵東下也

蘇秦恐秦兵至趙而敗從約從子容翻念莫可使用

於秦者乃激怒張儀入之於秦張儀者魏人與蘇秦俱

事鬼谷先生

蓋居於鬼谷因以稱之隋志馮翊郡韓城縣有鬼谷風俗通義曰鬼谷先生六國時

縱橫家索隱曰扶風池陽潁川陽城並有鬼谷蓋是其人所居因以為號又樂壹注鬼谷子書云蘇秦欲神祕

其道故假名鬼谷

學縱橫之術

縱與從同音子容翻

蘇秦自以為不及也

儀游諸侯無所遇困於楚蘇秦故召而辱之儀恐

恐史記作

怒念諸侯獨秦能苦趙遂入秦蘇秦陰遣其舍人齋金

幣資儀

文穎曰舍人主廐內小吏官名也師古曰舍人親近左右之通稱也後遂為司屬官號齋則今

儀得見秦王秦王說之

說讀以為客卿秦有客卿之官以待自諸

侯來者其位為卿而以客禮待之也

舍人辭去曰蘇君憂秦伐趙敗從約

敗補逆翻從子容翻

以為非君莫能得秦柄故激怒君使臣陰奉

給君資盡蘇君之計謀也張儀曰嗟乎此吾在術中而

不悟吾不及蘇君明矣為吾謝蘇君蘇君之時儀何敢

言

為吾之為于偽翻為後蘇秦死儀方出說六國張本說式為翻

於是蘇秦說韓宣惠

王曰韓地方九百餘里帶甲數十萬天下之彊弓勁弩

利劍皆從韓出韓卒超足而射百發不暇止以韓卒之

勇被堅甲蹶勁弩

被皮義翻蹶之石翻踏也史記正義曰欲放弩者皆坐舉足踏弩材手引

秦機然後發之

帶利劍一人當百不足言也大王事秦秦必求

宜陽成臯

韓之宜陽西接境於秦當函谷出兵之路成臯春秋鄭之制邑亦曰虎牢戰國時為鄭之

屏蔽皆韓之地班志宜陽屬弘農郡成臯屬河南郡

今茲効之明年復求割地

復

又與則無地以給之不與則棄前功受後禍且大王之

地有盡而秦求無已以有盡之地逆無已之求此所謂

市怨結禍者也

市買也凡以物買賣貿易曰市

不戰而地已削矣

曰寧為雞口無為牛後

諺魚變翻俗言也史記正義曰雞口雖小猶進食牛後雖大乃

出糞爾雅翼曰蘇秦說韓王寧為雞尸無為牛從尸主也一羣之主所以將衆也從從物者也謂牛子也隨羣而往制不在我者也言寧為雞中之主不夫以大王之為牛子之從後也此本諸延高注戰國策

賢挾強韓之兵而有牛後之名臣竊為大王羞之

扶音挾

戶類翻為于偽翻

韓王從其言蘇秦說魏王曰大王之地方千

里地名雖小然而田舍廬廡之數

廡大甫翻數七欲翻密也

曾無所

芻牧

曾才登翻芻刈草也牧放牧也言魏民居蕃庶無刈芻放牧之地也

人民之衆車馬

之多日夜行不絕輶輶殷殷若有三軍之衆

輶呼宏翻殷音隱

臣竊量大王之國不下楚

量呂張翻量度也

今竊聞大王之卒

武士三十萬蒼頭二十萬奮擊二十萬廝徒十萬

武士
武士
卒

也詳見後第六卷秦昭襄王五十二年蒼頭謂著青帽項羽傳有異軍蒼頭特起奮擊簡軍中之勇士敢奮力

而擊敵者異之蘇林曰取薪之卒曰所音斯

車六百乘騎五千匹

古者用車戰戰國始

用騎兵車騎異用而並用矣乘繩證翻騎奇寄翻

乃聽於羣臣之說而欲臣事

秦故敝邑趙王使臣効愚計奉明約在大王之詔詔之

魏王聽之蘇秦說齊王曰齊四塞之國地方二千餘里

帶甲數十萬粟如丘山三軍之良五家之兵

三軍謂三晉之軍高

誘曰五家即五國

進如鋒矢戰如雷霆解如風雨即有軍役未

嘗倍泰山絕清河涉渤海者也

倍與背同音蒲妹翻鄉倍之倍也班志泰山在

泰山郡博縣東北水經淇水自館陶清淵東北過廣宗縣東為清河漢因置清河郡清河又東過脩縣與大河張甲故潰合又東過東光南皮等縣齊之北界也又齊東北皆阻海漢渤海郡亦其境也師古曰郡在渤海之濱因以為名直度曰臨淄之中七萬戶臣竊度之不下

戶三男子不待發於遠縣而臨淄之卒固已二十一萬

矣臨淄甚富而實其民無不鬪雞走狗六博闔鞠

說文曰六

博局戲也六著十二碁烏曹所作楚辭琵琶蔽象碁有六博鮑宏博經曰規蔽玉著也各投六著行六碁故曰六博用十二碁六碁白六碁黑所擲頭謂之瓊瓊有五采刻為一畫者謂之塞刻為兩畫者謂之白刻為三畫者

謂之黑一邊不刻者五塞之間謂之五塞閼鞠史記作
蹋鞠以皮為之實之以毛楚蹋而戲劉向曰楚鞠起於
戰國之時所以練武士因嬉戲而臨淄之塗車轂擊人
講習之或言黃帝所作閼徒臘翻

肩摩連袂成帷揮汗成雨夫韓魏之所以重畏秦者為

與秦接境壤也

夫音扶為于偽翻

兵出而相當不十日而戰勝

存亡之機決矣

而戰句斷勝下當有負字以此觀之文意明通竊謂通鑑承史記元文之誤

韓魏戰而勝秦則兵半折

折常列翻推折也

四境不守戰而不

勝則國已危亡隨其後是故韓魏之所以重與秦戰而

輕為之臣也今秦之攻齊則不然倍韓魏之地過衛陽

晉之道經乎亢父之險車不得方軌騎不得比行

水經注

子河出東郡濮陽縣北河南至濟陰句陽縣為新溝又東過廩丘縣與濮水俱東抵河又逕陽晉城南蘇秦所

謂衛陽晉之道也史記正義曰陽晉故城在曹州乘氏縣西北三十七里班志亢父縣屬東平國又括地志亢

父故城在兗州任城縣南五十一里亢音抗又音剛父音甫說文執車轍也顏師古曰車併行為方軌騎奇寄

翻比昆義翻次也行戶剛翻列也百人守險千人不敢凡行列之行皆同音車併讀曰並

過也秦雖欲深入則狼顧恐韓魏之議其後也

爾雅其狼猛而

顧恐人能自顧其後蓋狼行而屢是故惘疑虛喝驕矜而

不敢進

惘他紅翻恐懼貌高誘曰虛喝喘息懼貌劉氏曰秦自疑懼虛作恐獨之辭以脅韓魏也史記

正義曰言秦雖至亢父猶恐懼狼顧虛作喝罵驕則秦
溢矜誇而不敢進伐齊喝呼葛翻亦作獨音同

之不能害齊亦明矣夫不深料秦之無奈齊何而欲西

面而事之是羣臣之計過也扶大音今無臣事秦之名而

有疆國之實臣是故願大王少留意計之齊王許之始少

結乃西南說楚威王曰楚天下之疆國也地方六千餘

里帶甲百萬車千乘騎萬匹楚在齊之西南故蘇秦自齊而西南詣楚說式內翻

來繩證翻粟支十年此霸王之資也秦之所害莫如楚

騎奇寄翻楚彊則秦弱秦彊則楚弱其勢不兩立故為大王計莫

如從親以孤秦

從子容翻

臣請令山東之國

令盧經翻使也

奉四時

之獻以承大王之明詔委社稷奉宗廟練士厲兵在大

王之所用之故從親則諸侯割地以事楚衡合則楚割

地以事秦

從子容翻衡讀曰橫

此兩策者相去遠矣大王何居焉

楚王亦許之於是蘇秦為從約長

長知大翻

并相六國

相息亮翻

北報趙車騎輜重擬於王者

康曰輜重載物車也行者之車總曰輜重韻書曰輜

莊持翻庫車也重直用翻考異曰史記蘇秦傳秦兵不敢闕函谷關十五年又云秦使犀首欺齊魏與共伐趙蘇秦去趙而從約皆解齊魏伐趙敗從約止在明年耳秦本紀惠文王十年公子卬與魏戰虜其將龍賈後二

年事耳烏在其不聞函谷十五年乎此出
於遊談之士誇大蘇秦而云爾今不取

齊威王薨

子宣王辟彊立知成侯賣田忌

事見上二

乃召而復之

燕文公薨子易王立

謚法好更改舊曰易燕因肩翻易音如字更工衡翻

衛

成侯薨子平侯立

謚法治而無音曰平執事有制曰平布網治紀曰平又曰惠無內德曰平

三十七年秦惠王使犀首欺齊魏與共伐趙以敗從約

敗稱邁翻從子容翻

趙肅侯讓蘇秦蘇秦恐請使燕必報齊蘇秦

去趙而從約皆解趙人決河水以灌齊魏之師齊魏之

師乃去魏以陰晉為和於秦寔華陰

班志華陰故陰晉秦惠文王五

年更名寧秦漢高帝改曰華陰縣屬京兆以其地在華山之陰也宋白曰華陰分秦晉之境邊晉之西則曰陰晉邊秦之東則曰寧秦華戶化翻

齊王伐燕取十城已而復歸之

三十九年秦伐魏圍焦曲沃

班志弘農郡陝縣有焦城左傳所謂晉與秦焦瑕者

也括地志焦在陝城東百步曲沃在陝西南三十二里因曲沃水為名酈道元曰按春秋文公十三年晉侯使詹嘉處瑕守桃林之塞以備秦時以曲沃之官守之故曲沃之名遂為積古之傳宋白曰焦古焦國括地志焦城在焦城東北百步因魏入少梁河西地於秦少詩照焦水為名周同姓所封

九年魏已使使獻河西於秦以和今乃入其地

四十年秦伐魏度河取汾陰皮氏

班志汾陰縣屬河東郡皮氏縣故耿國晉

獻公以封趙夙者也亦屬河東郡括地志汾陰故城在蒲州汾陰縣北九里皮氏故城在絳州龍門縣西百八

十拔焦

楚威王薨子懷王槐立

謚法慈仁短折曰懷又懷思也槐乎乖翻

又乎瑰翻折而設翻

宋公剔成之弟偃襲攻剔成剔成奔齊偃

自立為君

剔他歷翻

四十一年秦公子華張儀帥師圍魏蒲陽取之

史記正義曰蒲

陽在隰州隰川縣蒲邑故城是也帥讀曰率

張儀言於秦王請以蒲陽復與

魏而使公子繇質於魏

質音致

儀因說魏王曰秦之遇魏

甚厚魏不可以無禮於秦魏因盡入上郡十五縣以謝

馬

說式芮翻括地志曰上郡故城在綏州上縣東南五十里魏秦之上郡地也史記正義曰按鄜坊丹延等

州北至固陽盡上郡地魏築長城界秦自華州鄭縣濱洛至慶州洛源縣自於山即東北至勝州固陽東至河西上郡之地盡入於秦秦之與魏者小魏之謝秦者大史言張儀為秦計者甚巧張儀歸而相

秦

相息亮翻

四十二年秦縣義渠以其君為臣

義渠西戎國名秦取之以為縣班志義渠

道屬北地郡括地志寧慶原三州秦之北地郡也

秦歸焦曲沃於魏

既取而復歸之

秦之於魏若玩弄嬰兒於掌股之上耳

四十三年趙肅侯薨

索隱曰肅侯名語

子武靈王立置博聞師

三人左右司過三人先問先君貴臣肥義加其秩

索隱曰武

靈王名雍姓譚肥姓
肥子之後以國為姓

四十四年夏四月戊午秦初稱王 衛平侯薨子嗣君

立

嗣祥
史翻

衛有胥靡亡之魏

漢書音義曰胥相也靡隨也
古者相隨坐輕刑之名謂罪

不至於補刑者令衣褐帶索相隨以執役朱元
晦曰胥靡者連鎖役作也胥新於翻靡母被翻

因為魏

王之后治病

為于偽翻
治直之翻

嗣君聞之請以五十金買之五

反魏不與乃以左氏易之左右諫曰夫以一都買一胥

靡可乎

夫音扶
下同

嗣君曰非子所知也夫治無小亂無大

治直吏翻 灋不立誅不必雖有十左氏無益也灋立誅必失

十左氏無害也魏王聞之曰人主之欲不聽之不祥因

載而往徒獻之

此學申韓者為之說耳

四十五年秦張儀帥師伐魏取陝

班志陝縣屬弘農郡故號國北號在大陽

東號在滎陽西號在雍州周召分陝而治即此陝也師讀曰率陝失冉翻召讀曰邵

蘇秦通於

燕文公之夫人易王知之蘇秦恐乃說易王曰臣居燕

不能使燕重而在齊則燕重易王許之

燕因肩髀易音如字說式為翻

謚法好更改舊曰易註變故改常

乃偽得罪於燕而奔齊齊宣王以為

客卿蘇秦說齊王高宮室大苑囿以明得意欲以敝齊

而為燕

說式芮翻為後齊大夫殺蘇秦張本

四十六年秦張儀及齊楚之相會齧桑

相息亮翻服虔曰齧桑翟地徐

廣曰在梁與彭城之間裴駰曰晉地索隱曰衛地余按漢武帝軻子歌曰齧桑浮兮淮泗滿及塞決河而梁楚之地復寧無水災後漢王梁擊佼彊蘇茂於楚沛間拔大梁齧桑則徐說為近之齧五結翻

韓燕

皆稱王趙武靈王獨不肯曰無其實敢處其名乎令國

人謂已曰君

趙武靈王之不肯稱王非守君臣之分居之以謙也將求其所大欲而力未能稱心

也處昌呂翻令力丁翻使也又力正翻命令也分扶問翻稱尺證翻

四十七年秦張儀自蠶桑還而免相相魏

蠶魚結翻還從宣翻又音

如字免相免秦相而相魏相息亮翻

欲令魏先事秦而諸侯効之魏王不

聽秦王伐魏取曲沃平周

令力丁翻此曲沃在河東晉桓叔所封之邑漢武帝改名

聞喜史記正義曰絳州桐鄉縣晉曲沃邑十
三州志古平周邑在汾州介休縣西四十里

復陰厚張

儀益甚

四十八年王崩子慎覲王定立

正覲疾

燕易王薨子噲

立

燕因肩翻易音如字噲古夾翻

齊王封田嬰於薛

班志薛縣屬魯國夏奚仲之國

後遷於邳仲虺居之括地志故薛城在今徐州滕縣南四十四里
界史記正義曰薛故城在今徐州滕縣南四十四里號

曰靖郭君

杜佑曰戰國之際秦項之間權設班寵有加賜邑封君者蓋假其位號或空受其爵如靖

郭武安之類是也至漢尤多蓋在封爵之外別加美號史記列傳云嬰謚為靖郭君索隱曰靖郭或封邑號故

漢駟鈞封靖郭侯

靖郭君言於齊王曰五官之計不可不日聽

而數覽也

記曾子問諸侯出命國家五官而後行註云五官五大夫典事者命者勅之以其職正義

云按太宰職云建其牧立其監設其參傳其伍是諸侯有三卿五大夫經云五官故云五大夫以屬官大夫其數衆多直云五者據典國事言之不云命卿者或從君出行或雖在國留守摠主羣吏如三公然不專主一事且尊之既命五大夫則卿亦命之可知故不顯言命卿也余謂此所謂五官蓋亦言典事五大夫也數所角翻

王從之已而厭之悉以委靖郭君靖郭君由是得專齊

之權靖郭君欲城薛客謂靖郭君曰君不聞海大魚乎

網不能止鉤不能牽蕩而失水則螻蟻制焉今夫齊亦

君之水也

扶夫音

君長有齊奚以薛為苟為失齊雖隆薛

之城到於天庸足恃乎乃不果城

隆高也崇也庸常也

靖郭君有

子四十人其賤妾之子曰文文通儻饒智畧

通達也儻倜儻卓異

也饒智畧言智畧有餘也

說靖郭君以散財養士靖郭君使文主家

待賓客賓客爭譽其美

說式為翻譽音余

皆請靖郭君以文為

嗣靖郭君卒

嗣祥史翻卒子恒翻

文嗣為薛公號曰孟嘗君

史記列傳

曰謚曰孟嘗君索隱曰號曰孟嘗君曰謚非也孟字嘗邑名嘗邑在薛之旁

孟嘗君招致諸

侯遊士及有罪亡人皆舍業厚遇之

舍業為之築舍立居業也

存救

其親戚食客常數千人各自以為孟嘗君親已由是孟嘗君之名重天下

臣光曰君子之養士以為民也易曰聖人養賢以及

萬民

頤卦象辭也為子偽翔

夫賢者其德足以敦化正俗其才

足以頓綱振紀

頓謂整頓夫音扶

其明足以燭微慮遠其彊

足以結仁固義大則利天下小則利一國是以君子

豐祿以富之隆爵以尊之養一人而及萬人者養賢

之道也今孟嘗君之養士也不恤智愚不擇臧否

否補

美盜其君之祿以立私黨張虛譽上以侮其君下以

蠹其民是姦人之雄也烏足尚哉書曰受為天下逋

逃主萃淵藪此之謂也

孟嘗君聘於楚楚王遺之象牀登徒直送之

象牀以象齒為之登

徒姓也直其名遺于李翻

不欲行謂孟嘗君門人公孫戌曰象牀之

直千金苟傷之毫髮則賣妻子不足償也足下能使僕

無行者有先人之寶劔願獻之公孫戊許諾

姓諧公孫氏出於黃

帝釋名曰劔檢也所以防檢非常也戊音恤償辰羊翻報也諾奴各翻以言許人曰諾

入見孟嘗

君曰小國所以皆致相印於君者以君能振達貧窮存亡繼絕故莫不悅君之義慕君之廉也今始至楚而受象牀則未至之國將何以待君哉孟嘗君曰善遂不受公孫戊趨去未至中閨

閨涓畦翻宮中小門曰閨上圓下方如圭故謂之閨

孟嘗

君召而反之曰子何足之高志之揚也公孫戊以寶對孟嘗君乃書門版曰有能揚文之名止文之過私得寶

於外者疾入諫

臣光曰孟嘗君可謂能用諫矣苟其言之善也雖懷

詐諛之心猶將用之

諛許元翻

况盡忠無私以事其上乎

詩云采葑采菲無以下體

詩邶谷風之辭毛氏傳曰葑須也菲芴也鄭氏箋曰

此二菜蔓菁與葑之類也皆上下可食然其根有美時有惡時采之者不可以根惡并棄其菜下體謂根莖也陸璣草木疏曰葑蕒菁也郭璞曰今菘菜陸德明曰江南有菘江北有蕒菁相似而異爾雅曰菲芴又曰菲息菜郭璞曰菲芴土瓜息菜似葑蕒華紫赤色可食葑大葉白華根如指色白可食菲敦尾銅邠蒲味銅芴挨拂銅蕒

漢官翻葑方六翻

孟嘗君有焉

韓宣惠王欲兩用公仲公叔為政問於繆留

繆莫留翻姓也又靡

幼翻又音穆

對曰不可晉用六卿而國分齊簡公用陳成子

及闕止而見殺魏用犀首張儀而西河之外亡

晉六卿智氏范

氏中行氏趙氏韓氏魏氏也自晉文襄以來迭秉國政後皆彊大卒分晉國齊簡公使闕止為政陳成子憚之

已而陳常殺闕止拔簡公闕以邑為氏蘇代曰魏相犀首必右韓而左魏相張儀必右秦而左魏蓋二相外各

倚與國以為重而內爭權所以魏日削也闕戶今君兩監翻行戶剛翻恒戶登翻卒子恤翻相息亮翻

用之其多力者內樹黨其寡力者藉外權羣臣有內樹

黨以驕主有外為交以削地君之國危矣



資治通鑑卷二



總校官庶吉士臣侍朝

校對官修撰臣張書勲

謄錄監生臣王應璧